



續文獻通考 百七十六之百八

經籍



漢書門			
類	號	函	架
三	一	一	一
三	一	一	一
三	一	一	一
三	一	一	一
三	一	一	一
三	一	一	一

內閣文庫			
類	號	冊	函
三	一	一	一
三	一	一	一
三	一	一	一
三	一	一	一
三	一	一	一
三	一	一	一

內閣文庫			
番號	漢	243i	
冊數	8i (59)		
函號	294	13	







文獻通考卷之一百七十六

淺草文庫

皇明進士雲間王圻纂輯

經籍考 樂律 小學

儀注 史

樂律

太平雅頌十篇 葛宮著宮江陰人善屬文舉進士授中

正軍掌書記上太平雅頌十篇真宗嘉之

樂論十二篇 鍾律制議并圖三卷 俱阮逸著逸建陽

人仕為鎮東軍節度推官景祐初與胡瑗俱召赴闕命

同校鍾律分造鐘磬各一簾皇祐中更鑄太常鐘磬又

召瑗逸與近臣太常官議於秘閣遂典作樂事

柳耆卿樂府 柳永著永崇安人景祐中第進士工詞章



尤善樂府范鎮嘆曰仁宗四十年太平鎮在翰苑不能  
出一語咏歌乃于耆卿見之

古樂府 潘昉著昉閩縣人端平初進士對制策語最直  
時論題之

樂論樂器圖樂律 沈括著出處見前

紹興樂府十二章 宋翔著翔字子飛崇安人爲張浚十  
客之一韋太后既歸獻紹興樂府十二章

黃鍾律說八篇 彭絲著

胡氏律論 按熊朋來序曰上古造律其次聽律其後算  
律虞書周禮有聽律之官無算律之法六觚一搯自秦  
柱下史得此書以行於漢至今惟班馬猶可徵其餘言

上下生意同甄漢中以禮運旋宮者在算術因除如法  
而不免承後漢志之誤後志誤於京氏準法禮記疏亦  
與呂氏春秋淮南子同一說是上下生且不定何以算  
律哉律呂各自爲法則乾坤六體之序定矣同位娶妻  
隔八生子之象著矣倍因四因一損一益之算均矣若  
曰自子至午上生者七自未至亥下生者五既非子午  
中分使丑午連并上生而三呂用倍之意荒矣後志十  
二律之實雜以算法而算家輒因仍用之以蕤賓夷則  
無射四因二除爲大呂夾鍾中呂之算非律生呂算例  
矣甄氏能辯其終於南呂之非而不自知襲用後志之  
誤也或謂大呂爲六呂之首從後志則大呂得算爲多



是不然陽得當位陰得對衝律生呂自林鍾始非先林鍾也乃所以先大呂也十二宮終於中呂非中呂之窮也當應鍾之次也是故天統以黃鍾人統以太簇地統宜以大呂而以林鍾抗林鍾於大呂之位所以配黃鍾而毋太簇則大呂夾鍾中呂在未酉亥之次皆從下生之算入呂則加倍有律之半所以必有呂之倍也知此則上下生之誤不足辯用倍者其本法不用倍者算家取疾約法其實一也若四清二變昔者固亦疑之李照范景仁不能爭况陳暘以下託之空言乎樂器惟瑟有十二清而四清在其中不能通行於他器也吾觀中呂黃鍾之交知聲音有出於度數之外者無射之商夷則

之角夾鍾之羽中呂之徵若彈絲吹竹擊拊金石聲音至此流轉自若也算家以中呂求黃鍾彈其術而不能合乎十七萬七千一百四十七之算有以倍數四因之者則三分之不盡二算而虧數已多有以正數四因之者則亦一算不行而虧數且過半矣三分不行之算既未有以處之紀其餘力有不盡之處持未定之算而謂之黃鍾變律又推以爲林鍾太簇南呂之變甚者托名執始不自信其爲黃鍾縱使人得以窺算術之涯涘而黃鍾流行諸律本無間斷也算法之起始因律管有長短此算家因律以命術非律命於算也猶之方田馬田生五穀豈知我爲圭筭弧環律以和聲豈知我爲正變



倍半皆算家命之耳故曰古之爲鍾律者以耳齊其聲  
後人不能始假數以正其度雅樂之不可興聲音之學  
不傳也古者自小學已教之六樂九數今耄且罔知豈  
惟算律哉若字音之學於儒者事最近而喉唇二音宮  
羽異說羽有喻母而或以從角音徵有知母而或以從  
商音矧曰其有能協于皇極之律呂哉昔西山蔡氏固  
疑呂氏春秋淮南子非本法本法則三呂用倍矣此書  
謂黍命於律律不命於黍吾於算法亦云又謂空圍九  
分乃算家內周非空中空九分也律有半呂有倍使用  
半用倍用正用變各有倫理凡以羽翼蔡氏之書非求  
異也嘗與本原辯證並傳無所事雅樂則已倘有志於  
制作將於是乎證焉先生深於卦象聲韻非止算律也  
姑以是傳世亦賢於漢中太守矣

樂律考 陸正著

九歌譜 十二月樂辭譜 吾衍著宋濂氏曰衍杭人也  
意氣簡傲不爲公侯屈色通聲音律呂之學善倣李賀  
詩工隸書尤精於小篆所著書有道書授神契說文續  
解石鼓註楚文音釋閩中編竹素山房詩世多傳之

樂府補題 仇遠唐珙等俱有此書

擬古樂府 麗則遺音 俱楊維禎著

宋饒歌鼓吹曲 謝翱著

李東陽樂府 東陽長沙人大學士



續文獻通考 卷之二百七十二 四 三百一十五

樂府類編 楚漢正聲 浦陽吳萊著

西溪樂府 姚寬著

雍熙樂府 楚府刻

草堂詩餘 集古名人詞調

明農軒樂府 殷士儋著

和稼軒詞 寧德陳汝玉著

琵琶記典 瑞安高明著因友人有棄妻而婚於貴家者

作此記以感動之思苦詞工夜深時燭焰為之相交至

今猶為詞曲之祖其餘傳記俱涉淫詞不載

小學

論語童蒙說 餘干柴中行著

韻補一部 吳棫惠字學訛誤作此朱文公據其診

三百篇之音

女學 字義詳講 陳淳著門人陳沂等嘗錄其語號筠

谷所聞瀨山所聞金山所聞皆淳書也

北溪字義詳正 戴亨著

淳化法帖刊誤二卷 邵武黃伯思校

史學蒙求箋註 建安鄭儀孫著

蒙訓小學紺珠 小學諷詠 補註急就章 王應麟著

告蒙 虞復著

童子習 朱逢吉著

事偶語韻 凌緯著

續文獻通考 卷之二百七十二 五



學訓 王洪具著

小學題辭 林起宗著

六書內外篇 季守鏞著

書學指南 唐懷德著

說文俗解 吾衍著

書義矜式 王克耘著 克耘吉水人舉進士同知永新軍

書學纂要 袁德年著

墨林考 爾雅六義 正始之音 閩學 俱王栢著

九書辯 牟楷著

增註禮部監韻 毛晃著 晃江山人宋時閉門著書留意

字學增註禮部監韻傳世

小 周弁著

小學詳斷 蔣健著 健武進人入元不仕平生多所著述

一以義理為主小學詳斷發明旨趣為多

訓兒錄 曹淇著

韻會 黃公紹著 公紹字直翁號在輯邵武人大昌之子

韻海 鄭介夫著 介夫開化人號鐵柱性剛直敢言至大

間嘗獻策于朝頗行其言仕終金谿縣丞

華夏同音 杜本字伯原所編五聲韻自大小篆分隸真

草及外番書蒙古新字靡不收錄所著又有六書通編

小學開疑 韓準字公衡沛縣人登進士第

六書統 六書析源 書學正韻 俱楊桓著 桓兗州人

續文獻通考 卷之二百七十一

五



成宗時官至秘書少監又奉勅撰儀表錄曆日序

字綜二卷 浦江柳貫著貫善楷法工篆籀京兆杜公本

謂其妙處不減李陽冰所著又有文集若干卷金石竹

帛遺文若干卷

竹山上人集韻 括蒼劉氏曰余初來杭時識竹山上人

於祥符戒壇寺因語及聲音之學而出其所為書則集

凡天下之音聲比其開發收閉之類而各使相從凡有

聲而無字者咸切而註之審音以知字因母以識子如

指其掌也上人為歌詩清越有理

韻原六十卷 東陽貞節處士蔣玄著

讀書工程 慶元程端禮著國子監頒示郡邑校刊

書式

算韻錄 黃玠著玠字伯成定海人震之曾孫卜築嘉興

弁山號弁山小隱與趙文敏黃文獻相友善

書史會要七卷 宋景濂曰天台陶九成宗儀自青年精

究六書之法備知字文相生之意乃辯析古文篆籀分

隸行書諸家異同并載其人而附見焉先之以帝王次

之以名臣又次之以材士大夫起自三皇迄於國朝凡

名一善者悉具錄之其事核其論確而有徵皆徧採史

傳及前修所著書不復以其議參乎其間也史以記事

此書記歷代之善書者故名書史

小學口義 龍溪黃樵仲著預子也



續子虛傳考 卷之七十一 三十一

小學入門 南昌熊凱著

小學標題駁論 蕭顯著所著又有三禮說九州志勤齋

文集

小學日記切要故事 虞詔纂集

韻會定正 前太常博士孫吾與著洪武二十三年刊

洪武正韻 洪武八年 命學士樂韶鳳等校正

古今書苑 王世貞著世貞太倉人

直音篇 正統間嘉定章道常本正韻編習又著韻學集

成

六書精蘊 魏校著校崑山人

轉註音畧 古音啟 古音彙要 古音復字

古音駢字 古音附錄 墨池瑣錄 書品 詞品

索隱 六書練證 古文韻評 古韻詩畧

詩人先訓 揚用修著

篆書考正辯偽 寧海王方塘仲芳著

韻府群玉 陰幼遇集

韻府群玉 授遺 華亭錢全衮著

字系 浦陽柳貫著

儀注

四時祭享禮 山陰杜衍著

士冠士婚饋食圖 趙彥蕭著

高士送終禮 瑞安陳傳良著

續文獻通考 卷之七十一

重



冠婚喪祭圖 楊明復著臨海人號浦城先生

明堂定制圖 姚舜臣著

內外服制 車經臣著

太常志 夏正著

墨莊祭儀 臨江劉清之著

儀禮圖十四帙 信安楊復著

冠服奠享儀注 黃學著學字上文惠安人嘉定戊辰進士教授全州時著

大明集禮 本朝洪武三年成凡五十三卷

禮制集要 洪武二十八年成

憲綱 洪武四年 命御史臺擬凡四十條

儀定式 洪武二十年 太祖命禮部尚書李原各等

著詳前 內府書

祭酒禮儀註 侍郎謝鐸著

家禮儀節 瓊山丘濬著

禮廷合藁 景泰中衍聖公孔承慶著

士儀禮畧舉要十卷 夏言著

明倫大典 嘉靖丙戌年 命儒臣費宏楊一清桂萼纂

修凡二十四卷初名大禮全書

議禮成典 嘉靖十五年廖道南言臣纂修議禮成典自

天地日月神祇 帝王社稷禘祫先師先農諸禮分類

成書首冠祀壇圖址 宸翰詩歌中禮儀樂器樂舞樂

續文獻通考 卷之二十一 禮考

續文獻通考 卷之二十一 禮考

續文獻通考 卷之二十一 禮考

續文獻通考 卷之二十一 禮考

續文獻通考 卷之二十一 禮考

續文獻通考 卷之二十一 禮考

續文獻通考 卷之二十一 禮考



草未 諸王表箋群臣疏頌咸自 聖裁今 九廟肇  
成謹撰禋頌九章上獻 上以其書昇史館

史 正史

五代會史二十卷 耿秉著出處見前

唐志二十一卷 王沿著沿館陶人舉進士累官龍圖閣

直學士好建明當世事所著又有文集二十卷

唐史記七十五卷 孫甫著甫陽翟人少好書日誦數千

言舉進士累官右正言時事多所建明官至天章閣待

制所著又有文集七卷

續唐書若干卷 永新龍森著理宗謂其扶持正統得邵

雍皇極經世之學

南北史三十卷 金蔡珪著珪字正甫真定人進士仕

至濰州刺史合沈約蕭子顯魏收宋齊北魏志成此書

續後漢書九十卷 郝經自序曰晉平陽侯相陳壽故漢

吏也漢亡仕晉作三國志以曹氏繼漢而不與昭烈稱

之曰蜀鄙為偏霸僭偽於是統體不正大義不明紊其

綱維故稱號議論皆失其正哀帝時滎陽太守習鑿齒

著漢晉春秋謂三國蜀以宗室為正魏雖受漢禪尚為

篡晉平蜀而漢始亡上疏請越魏繼漢以正統體不用

宋元嘉中文帝詔中書侍郎裴松之採三國異同凡數

十家以註壽書補其缺漏辯其舛錯績力雖勤而亦不

能更正統體歷南北隋唐五季百有餘歲列諸三史之



後不復議為也宋丞相司馬光作通鑑始更蜀曰漢仍以魏紀事而昭烈為僭偽至晦菴先生朱熹為通鑑作綱目黜魏而以昭烈章武之元繼漢統體始正矣然而本史正文猶用壽書經營聞縉紳先生餘論謂壽書必當改作竊有志焉中統元年詔經持節使宋告登寶位通好弭兵宋人館留儀真不令進退乃破稿發凡起漢終晉以更壽書作表紀傳錄諸序議贊十二年夏五月借書於兩淮制使殷應雷得二漢三國晉書遂作正史以裴註之異同通鑑之去取綱目之義例參校刊定歸於詳實以昭烈纂承正統魏吳為僭偽十三年十月書成年表一卷帝紀二卷列傳七十九卷錄八卷共九十

卷號曰續後漢書奮昭烈之幽光揭孔明之盛心祛操丕之鬼蜮破懿昭之城府千載之蔽一旦廓然矣

遼史本記三十卷志三十一卷表八卷列傳四十六卷

金史本記一十九卷志三十九卷表四卷列傳七十三卷

宋史本記四十七卷志一百六十二卷表三十二卷列傳

世家二百五十五卷 至正二年中書右丞相脫脫等

同史臣纂修 楊維禎宋遼金正統辯畧曰自我世祖

皇帝立國史院嘗命承旨百一王公修遼金二史矣宋

亡又命詞臣通修三史矣延祐天曆間屢勤詔旨而三

史卒無成書者豈不以三史正統之議未決乎其議未

決者豈不以宋渡於南之後拘于遼金之抗于北乎吾



嘗究契丹之有國矣自灰牛氏之部落始廣其初枯骨  
化形戴豬服豕荒唐恠誕中國之人所不道也八部之  
雄至於阿保機披其黨而自尊迨耶律光而其勢寔盛  
契丹之號立于梁真明之初大遼之號後改於漢天福  
之日自阿保機訖于天祚凡七主歷二百一十有五年  
夫遼固唐之邊夷也乘唐之衰草竊而起石晉氏通之  
且割幽燕以與之遂得窺釁中夏而石晉氏不得不亡  
矣議者以遼承晉統吾不知其何統也再考金之有國  
矣始於完顏氏實又臣屬於契丹者也至阿骨打苟逃  
性命於道宗之世遂敢萌人臣之將而嘗有其國稱  
國號於宋重和之元相傳九主凡歷一百一十有七年

而議者又以金之平遼克宋帝有中原而謂接遼宋之  
統吾又不知其何統也議者又謂完顏氏世為君長保  
有肅慎至太祖時南北為敵國素非君臣遼祖神冊之  
際宋祖未生遼祖比宋前興五十餘年而宋嘗遣使卑  
辭以告和約為兄弟晚年且遼為翁宋為孫矣此又其  
說之曲而陋也天之曆數自有歸代之正閏不可紊于  
載曆數之統不必以承先朝續亡主為正則宋興不必  
以膺周之禪接漢周之閏為統也朱子綱目於五代之  
年皆細註於歲之下其餘意固有待於宋矣有待於宋  
則直以宋接唐統之正矣而又何計其受周與禪否也  
中遭陽九之厄而天又不滅其社稷瓜瓞之系在江之



南子孫享國又凡百五十有五年金泰和之議以靖康  
爲遊魂餘魄比之昭烈在蜀則泰和之議固知宋有遺  
統在江之左矣而金欲承其絕爲得統可乎好黨君子  
遂斥紹興爲僞宋吁吾不忍道矣張邦昌迎康邸之書  
曰由康邸之舊藩嗣宋朝之大統漢家之厄十世而光  
武中興獻公之子九人而重耳尚在茲惟天意夫豈人  
謀是書也邦昌肯以靖康之後爲遊魂餘魄而代有其  
國乎邦昌不得革宋則金不得以承宋是後宋之與前  
宋則東漢前漢之比耳而又可以僞斥之乎此不得以  
南渡爲南史也明矣且世祖平宋之時有過唐不及漢  
宋統當絕我統當續之喻是世祖以曆數之正統歸之

必宋而以今日接宋統之正者自屬也故私著其說爲  
宋遼金正統辯以俟千載綱目之君子云

初世祖立國史院首命王鶚修遼金二史宋亡又命史  
臣通修三史延祐天曆之間屢詔修之以義例未定竟  
不能成至正三年命脫脫爲都總裁鐵木兒塔識張起  
巖歐陽玄呂思誠揭傒斯爲總裁官修之或欲如晉書  
例以宋爲世記而遼金爲載記或又謂遼立國先於宋  
五十年宋南渡後常稱臣於金以爲不可待制王理者  
祖謝端之說著三史正統論欲以遼金爲比史太祖至  
靖康爲宋史建炎以後爲南宋史一時士論非不知宋  
爲正統然終以元承金金承遼之故疑之各持論不決



續文獻通考 卷之三百七十一  
詔遼金宋各爲史凡再閱歲書成上之凡舉例論贊表  
奏多玄屬筆云

按謝端辨宋遼金正統有曰正閏之論端雖不敏請以  
本末言之夫耶律氏自唐以來世爲名族延及唐末朱  
溫篡唐四方幅裂遼太祖阿保機乘時而起服高麗諸  
國并燕雲以北數千里與朱梁同年即位是歲丁卯至  
丙子建元神冊在位二十年其子德光嗣位是歲丁亥  
唐明宗天成二年也德光後號太宗當天顯十一年河  
東節度使石敬瑭爲清泰帝來伐遣使求救於遼奉表  
稱臣仍以父禮事之太宗赴援因以滅唐石氏稱晉遂  
以燕雲十六州獻于遼仍歲貢帛三十萬疋天福七年

晉高祖昶出帝嗣位大臣議奉表稱臣告哀於遼景延  
廣請致書稱孫而不稱臣與遼抗衡太宗舉兵南下會  
同九年入汴以出帝爲負義侯遷黃龍府石晉遂滅大  
乘間而發由太原及汴自尊爲帝及乎宋受周禪有中  
原一百六十餘年遼爲北朝世數如之雖遼之封域偏  
於宋較其兵力而澶淵之戰宋幾不守因而割地連和  
歲貢銀絹二十萬兩足約爲兄弟仍以世序昭穆降及  
晚年遼爲翁宋爲孫及至天祚金太祖舉兵平遼克宋  
奄有中原三分之二子孫帝王坐受四方朝貢百有餘  
年今以劉石等比之愚故不可不辯也夫劉淵石勒皆



晉之臣庶叛亂國家以臣代君縱能盜據一隅僭至姚  
泓終為晉將劉裕所虜斬建康市茲作載記理當然也  
完顏氏世為君長保有肅慎至太祖時南北皆為敵國  
素非君臣若如或所言金為載記未審遼史復如何爾  
方遼太祖神冊之際宋太祖未生遼祖比宋前興五十  
餘年已即帝位固難降就五十年之後包於宋史為載  
訂其世數相懸名分顛倒斷無此法既遼之世際宋不  
可前則金有中原尤難別議以公論處之據五代相因  
除莊宗入汴復讐伐罪理勢可觀外朱梁篡逆甚於王  
莽石晉因遼有國終為遼所虜劉漢自立父子四年郭  
周廢湘陰公而立以五代之君通作南史內朱梁名分

猶恐未應遼自唐末保有北方又非篡奪復承晉統加  
之世數名位遠兼五季與前宋相次而終當為北史宋  
受周禪平江南收西蜀白溝迤南悉臣於宋傳至靖康  
當為宋史金太祖破遼克宋帝有中原百餘年當為北  
史自建炎之後中國非宋所有宜為南宋史

端遂寧人

續後漢書七十三卷 刊定三國志六十五卷 張樞著

樞金華人聰慧爽朗於書無所不讀嘗譏宋高宗忘親  
事仇而不為定復兩宮之計宋室遺老存者無不慨歎  
所著二書是非予奪悉有論著名曰訓志藏於宣文閣  
史

資治通鑑舉要補遺一百卷 胡安國著



宋朝長編綱目 太學生陳均編類理宗以其有益治道 詔補迪功郎

徽宗長編 高斯得著

帝王經譜 熊克著克建陽人紹興中進士博學強記者 述外無他事

通鑑外紀 十國紀年 高安劉恕著

帝王曆數 王栢著

續大事記 孫德之著

通鑑前紀 金華戴良著

歷代帝纂要譜括 孫應符著

皇朝大事記 治迹要畧 呂中著中字時中晉江人淳

祐中進士嘗言人能正心則事不足為人主能正心則 天下不足治晚徙汀州卒

帝正紀年通錄 南安李沂集

左氏國語史記年紀 徐夢莘著莘清江人百家過目成

誦紹興中舉進士安貧樂分官至通直郎致仕所著又

有柳江志

歷代史年表二十卷 張紱著紱清江人強記博覽為文

敏而純粹紹興中舉進士

續通鑑長編 張沿著沿清江人從朱熹學嘉定初舉進

士累遷著作佐郎直秘閣平生用力於敬聞一君子進

用則喜見顏色





宋編年備考 鄭性之著性之閩清人嘉定四年舉進士  
第一終叅知政事觀文殿學士

編年通載十卷 章衡著衡浦城人嘉祐初進士第一

元統二十卷 林陶著陶閩縣人景德中中捷詞科

唐直鑑 江休復著休復陳留人仕為刑部郎中修起居

注為人外簡曠而內行甚飭其文章醇雅尤善于詩所

著又有春秋世論及文集若干卷

歷代統紀 陳著撰著字子懲德剛子也別號本堂登文

天祥榜進士咸淳中通判臨安後隱居四川之奉川撰

是書以淑子弟

續資治通鑑 金衛紹王大安中詔儒臣楊雲翼等纂續

年紀事記 張特立著特立為元偃師主簿遷洛陽

通鑑前編 蘭溪處士金履祥著嘗以劉恕外紀記司馬

氏通鑑以前事不本於經舛繆不可信乃斷自尚書旁

採子史損益之

歷代編年 胡一桂著

通鑑續編 奉化陳桎著桎自束髮受父書思弘先人之

業乃著筆記二百卷又上論盤古建于高辛會于有宋

比事較義尊正統以定大分其紀年師司馬光補遺其

書法師朱文公綱目名曰通鑑續編

宋孝宗實錄 高斯得著

江少明外制十卷 江常著常字少明惠安人崇寧丁進士



居官有平寇功又有文集二十卷

中書制集 翰林制集 盛度編

劉氏制誥集 劉安上編

元豐聖制三卷 舒亶著

中書制藁五卷 陳從易著從易字簡夫晉江人性激直

與王欽若丁謂不絕而亦不阿其意

霍少師內制三十卷 霍端友著端友武進人崇寧二年

狀元累官吏部侍郎以通議大夫致仕贈少師

兩漢詔令 洪咨夔編

掖垣制草 俞列著 黃宜亦著

周子承宣集 周諤著

牟子才內外制 牟子才輯

李端州外制 李彌遜著彌遜由連江徙吳縣弱冠登第

紹興初遷起居郎與秦檜不合致仕號筠溪真隱

尤學士內外制三十卷 無錫尤袤著袤紹興進士為秘

書丞孝宗稱其才識近世罕有累官直學士院

徐學士內制十卷 徐鳳著

顏氏內外制 顏棫著

遼統和實錄二十卷 室昉著昉字夢奇南京人統和中

進此書手詔褒之

遼先朝事迹二十卷 蕭韓家奴著家奴字休堅涅刺部

人重熙十三年詔與耶律庶成錄遙輦可汗至重熙以

續文獻通考 卷之二百七十一



來事迹集為二十卷進之

遼皇朝實錄七十卷

耶律儼修儼字若思析津人壽隆

間授樞密直學士

太安元年十一月史臣進太祖以下七帝實錄疑即儼所進也

金先朝實錄三卷

完顏勗修皇統元年進

金太祖實錄

宗弼修皇統八年進

金太宗實錄

紇石烈良弼修天德七年進

金睿宗實錄

大定十一年尚書左丞紇石烈良弼所進

金世宗實錄

明昌四年七月國史院所進

金章宗實錄

興定四年九月國史院所進王若虛修

金宣宗實錄

正大五年十一月國史院所進王若虛修

元世祖實錄

姚燧修

元成宗實錄

雍德純修

河南志謂暢師文修蓋共成

之也

元武宗實錄

至順元年蘇天爵修

歷朝詔令四卷

制誥五卷

虞廷碩著廷碩字君輔元

建安人

開皇記三十卷

鄭向著向陳留人舉進士甲科累遷龍

圖閣直學士五代亂亡史冊多漏失向著開皇記撫拾

庶事頗有補焉

咸平聖政錄

錢惟演著

宋朝類院等書

江少愚著少愚常山人政和中進士歷

建饒吉三州守治狀皆第一



史通 黃度著度新昌人隆興進士累官煥章閣學士

東都事畧 戴栩著栩溪族子為學士

九國世家列傳 路振著振祁陽人幼穎悟淳化初舉進士

士採五代史九國君臣事作世家列傳

四朝史稿 牟子才著

補史 秦和劉子澄著澄有史才

蜀漢本末 趙居信著

東晉書二卷 藁城張延著

九華外史 楊少愚著少愚青陽人少好學博通群書

蜀漢書 翁甫著甫字景山崇安人孝宗時登進士第立

朝論事切直出知隆興府

高宗紀事本末 建陽熊克著

宋高聖政編要 四明史彌遠著

漢武外傳 吳越記 謝沉著

史編雜著 陳震著

蒙史 新淦曾三英著

四朝聞見錄 葉紹翁著

唐史贅龐 陳宓著宓字師復俊卿之子少嘗登朱文公

門寶慶二年直秘閣主管崇禧

楚史構杌 晉文春秋 吾衍著

漢本紀 魏吳載記 續後漢書七十三卷 宋季逸事

俱東陽張樞著



續資治通鑑綱目 卷之二十七 二百七十六

大明日曆 洪武七年 命宋訥樂韶鳳等修

皇明寶訓 洪武七年 命宋濂等輯自敬天至蠻夷分

四十類凡五卷

洪武聖政記 洪武八年宋濂等編

元史 太祖先 命李善長宋濂王禕等修後 命宋濂

等編修

續資治通鑑綱目 成化十二年成

歷代通鑑纂要 弘治中 命儒臣李東陽等纂輯九十

二卷

元史本末 謝鐸著

續編宋元通鑑綱目 世史正綱 瓊山丘璿著

續東萊大事記七十九卷 義烏王禕著禕字子克國初

翰林待制承旨

皇明政要 弘治十六年南京兵部郎中婁性編

玉雪齋稿 金壇虞謙著

元史續編 張九韶著韶臨江人

皇明聖政記 皇明本記 國初事蹟 奉天靖難記

劉宸著宸金華人

皇明翊運錄 青田劉基著

平吳錄 太和楊士奇著

建文遺蹟 清江張芹著

革除遺事 太和黃佐著

續文獻通考 卷之二十七 二百七十六

續文獻通考 卷之二十七 二百七十六



續通志卷之二十一 二百七十五

吾學編 徵吾錄 今言 海鹽鄭曉著

皇明憲章錄 武進薛應旂編

國朝典故輯遺 夏邑梅純著

孤樹哀談 建安李默著

傳信錄 順德梁億著

天順日錄三卷 南陽李賢著

元史舉要 通綱集覽正誤 俱右贊善陳濟著

歷代一覽 盧文政著文政江夏人

釋統三篇 臨海方希古著

諸史會編 左編 史例 俱劉子玄著

道里傳 列國世家史補 宋季三朝政要

史評

前後漢記 舒雅編纂雅旌德人舉進士為秘閣校理

兩漢索隱 浮梁程瑀著瑀政和間進士所著又有周禮

議尚書說

五代史集註 徐無黨著無黨永康人皇祐間進士仕至

郡博士歐陽公常稱其文

通鑑解題通釋 呂祖謙著

史記集解 姚寬撰

十七史綱目 奉化舒津著

唐史音義六十卷 同安呂科著

漢官唐書傳註補註音訓總三百卷 徐次鐸著鐸東陽

續文獻通考



人紹熙中進士通判衢州

補註唐書二百卷 李繪著繪邛州人舉八行不赴以文

史自娛

諸史精考 丁黼著黼石埭人真德秀嘗薦於朝除秘閣

史記抵牾論 趙瞻著瞻盩厔人舉進士調孟州司戶叅

軍累遷同知樞密院事

資治通鑑綱目發明五十九卷 尹起莘著起莘遂昌人

隱居不仕學問該洽

通鑑筆議 戴溪著 又著史鑑論斷諸書

史傳集論 胡希是著

史論百篇 林槩著槩福清人舉進士知長興縣官至太

常博士又有辨國語四十篇

兩漢博議 王遇著遇龍溪人師事朱熹登進士甲科歷

國子博士

通鑑筆議 華亭葉汝舟著汝舟登 進士所著詩文

藏於家

史記註一百卷 金蕭貢著貢字真卿咸陽人好學讀書

至老不倦官至戶部尚書

音註資治通鑑 胡三省註

正統八例 楊奐著奐奉元人學者稱紫陽先生以耶律

楚材薦拜河南廉訪使其八例曰得曰傳曰襄曰復曰

與曰陷曰絕曰歸



通鑑總論 潘榮著

唐史篤論 黃鉞著

西漢精義 唐史精義 俱唐仲友著

史論百篇 徐綱著

通鑑集義 輔廣著

通鑑綱目集覽五十九卷 王幼學著幼學望江人苦朱

子綱目援引幽邃句讀疑難乃博採經傳者為此書以  
便學者

通鑑綱目附釋 宋太史曰孔君克表歷攷義例異同凡

朱子微意先儒所未發及發之而未當者備疏其綱之  
在目中音義事證及名物度數之屬仍取史昭胡三省

王幼學三家會萃群書而折衷之通成若干卷

續史攷十二卷 井研李心傳著

讀史補遺 沈津著

漢史評 徐雄著

唐書糾繆 徐次鐸著

春秋漢唐史志解 晉江楊景陸著

史論三卷 朱金發著金發字冕仲福清人嘗作天人相

與交際論見稱於陳傳良

通鑑綱目朱墨 林文之著文之字子彬福清人為文平

易高古學者皆宗師之

史評八卷 譚世選著



續文獻通考卷之二百七十一

三四 三百十

史統史旨 邵武上官悛著

宋鑑提綱 陸以道著以道無錫人明易經遯程朱之源

得象外旨趣至正中官翰林侍制

綱目考異 汪克寬著克寬初門人少穎悟力學隱居教

授號環谷先生

綱目測海 何中著中樂安人以古學自任弘深該博

通鑑綱目書法五十九卷 永新劉友益著積勤三十年

寸較銖評微詞隱義啓發千載中有無窮之憂揭後斯

稱之曰百世之下先生此心先生不作山高水深

通鑑論斷 吉水周孫著

史評 趙居信著

坦齋史說 黃學行著

通鑑表微 莆田方澄孫著

通鑑書法 郝經著

歷代史議 黃舜祖著出處見前

史評一卷 德安戴羽著虞集爲序

史評講義雜著三十卷 廬陵蕭志仁著藏于家

史論 杜幼節著

通鑑新義 梅時舉撰

覽古史斷 何侑撰

讀史 李孟傳著

史述 漢史疏 三史纂 舒岳祥著

續文獻通考卷之二百七十一

二十五



續文獻通考卷之一百一十六  
歷代史賦 楊維禎著

觀史治忽幾微 東陽處士許謙著

史論三十卷 王約著約字之先汴人徙真定風格不凡

博覽經史工文詞至元中官國史院編修官監察御史

辨史十六則 黃文獻著詳見本集

讀史衍義 熊本著

史辯三十卷 分寧雷光霆著

史學統記一卷 宋潛室曰軍器監簿曾天麟著未及成

而沒其子順補完之

西漢奇語 光澤劉剛中集

左史節定 嘉靖三年太康儒士安都撰奏 世宗怒

其書

史斷 吳縣徐有功著

宋史要言 臨海方希古著

宋元臆見 何叔丘著

簡端學史二錄 邵文莊著

宋史臆見 廣昌何喬新著

史說 安陸萬鵬著

讀綱目管見 晉江蔡清著

史輯 豐城朱善著

史畧類訓 宋元史畧 新喻梁寅著

史記要記 常熟張洪著



史抄

歷代記要五十卷 劉希古著希古 寧人博通經史旁  
究陰陽象緯等書

涉史隨筆 葛洪著洪東陽人從呂祖謙學登淳熙進士  
歷官至觀文殿大學士高風勁節追擬古人

讀史隨筆五卷 奉化舒津著  
兩漢筆記 淳化錢時著

諸史節畧 福安王士奇著  
通鑑隨筆 陳壇著

通鑑手抄 何淡著淡東陽人嘉泰間以上舍釋褐歷官  
國子丞秘書郎恬靜好學所著又有賢關漫錄

編年史要 饒子儀著子儀臨川人九歲能詩力學不倦  
漢史意抄 書史續抄 劉元高著元高高安人幼有異

質一目十行與姚勉胡仲雲號高安三俊後登淳祐進  
士

東都事畧一百三十卷 王稱撰稱賞之子學問該博初  
除直秘閣後為吏部郎中

西漢南北史左氏綴節 宣城陳天麟著天麟紹興中進  
士累官翰林修撰

考異三卷 左傳國語要畧十卷 廣德沈虛中著  
三朝北盟舉要一卷 莆田鄭可學著

十七史詳節 家塾通鑑節要 呂祖謙著



十三代史畧 夏鴻著鴻池州人與弟鵬同撰士多宗之  
十七史纂 胡一桂著

五代史畧 胡旦著旦濱州渤海人博學能文善讀書既  
喪明猶使人誦經史隱几聽之

資治通鑑節要 江贄著贄崇安人隱居不仕因太史奏  
少微星見詔舉遺逸二聘不起賜號少微先生

通鑑要覽 崔敦詩著又有文集制稿奏議制海韻鑑等  
書

通鑑小錄 正統五德類編 永新馮翼翁著  
史 故事

唐三宗傳三百餘卷 胡旦著

南唐近事二卷 寧化鄭文實著

君臣龜鑑六十卷 詹祥著祥字周文崇安人祥符中進

士

南宮事迹三卷 王延德著延德開封東明人好撰集舊  
事所著又有司膳錄版築記凡若干卷

備史遺事 錢儼輯

宋朝綱集三十六卷 江默著默字德恭崇安人乾道中

進士嗜好詩書為朱文公所稱此書考本朝典章為之  
又有易訓解四書訓詁六卷

宇宙畧記 車若水著若水黃巖人師事金華王柏講明  
性理博學工古文自號玉峯山民又有玉峯冗稿



歷代褒封先聖事實 黃學行著學行字上文惠安人登  
嘉定戊辰進士第教授全州時疏之以上

漢唐龜鑑 奉訓胡价著

往事龜鑑五十卷 鄧至著至雙流人通六經學者從之

甚衆每出市邑人皆拱立

朝制要覽 宋咸著

皇王大訓 徐宗度浦城人善議論通經史所著皇王大

訓曰古今帝王之道與其為治之具盡在是矣

皇鑑前後錄 寧德林嗣著嗣少穎悟清修苦學博極群

書德祐丙子以易魁鄉薦著述甚富

講堂故事 劉燾著燾建陽人受學朱熹呂祖謙乾道中

進士累官工部尚書兼左諭德表章朱熹四書以備勸  
講

中興要覽 嘉興聞人宏著

諸經義方 林洪範著洪範閩縣人累舉不第教弟子

高宗政範 龍溪余嘉著

崇志世範書 洪邦直著皆其政教所寓也

乾道會要 高曇修曇長溪人紹興末進士為孝宗所眷

汪所著又有易說并詩文數十卷

郡國手鑑 掌禹錫著

家訓集鑑 南安蔡霆發著

水心鏡一百六十七卷 韓彥直著彥直世宗子撫宋朝

續文獻通考

卷之二百七十一



事類分爲目

孝宗寶訓 紹興求賢手詔 史彌遠著

藝祖憲鑑 仁皇從諫錄 乾寧會稽錄 黃度輯

南宮故事 丘仲孚輯

中興龜鑑 林保著

胸山治範 劉葵著 葵福州人知胸山縣治簿書恤孤寡

作陂池教種藝平賦役抑奸猾所以惠民者無不至此  
書乃邑人所以紀其事者也

牟氏故事 牟子才輯

緊抄 洪咨夔輯

唐山遺事 凌緯輯

身便問答 錢塘遺事 趙彥秬輯

帝王總要 婁機輯

勸戒元龜 鄭鄂著 鄂字剛中鄞人紹興三十年進士仕  
至屯田郎寧宗在英邸兼小學教授因進此書

刊正杜佑通典 高斯得著

續言行錄 姚希得著 希得字逢原潼川人嘉定十六年  
進士官至贈少保

坤鑑 趙汝謙汝談集歷代皇后事號曰坤鑑進寧宗楊  
皇后后頗尚之

萬年龜鏡錄 金靖海師安石所著

瑤山往鑑 金楊伯雄著 伯雄藁城人舉進士爲右補闕



顯宗在東宮時伯雄為少詹事集古太子賢不肖為書  
 四朝聖訓 金章宗承安五年右補闕楊廷秀請類編太  
 祖太宗世宗三朝聖訓以時觀覽因詔增熙宗為四朝  
 龜鏡 君臣政要 金哀宗正大元年詔趙秉文楊雲翼  
 纂

大定遺訓 金哀宗正大四年萬年節同知集賢院史公  
 奕進

興亡金鏡錄一百卷 金傅慎微纂慎微字幾先沙溪人  
 胥訓誥文三卷 黃邦俊知莫州時集古今廉吏事以厲  
 其僚友郡吏

金閩葵訓八卷 丁儼編

王心法 真定詹思著

讀史纂要 崇德衛富益著

漢唐會要 黃巖孟夢恂著

唐事類編 李大同著

諸史類考 田君祐著

西漢通記 呂思誠著

集史類纂 寧德韓信同著

史纂 王廉著

經史大典八百八十卷 目錄十二卷 公牘一卷 纂

修通議一卷 天曆二年冬命趙世延虞集等修撰其書  
 悉取諸有司之掌故而修飾潤色之通國語於爾雅去



吏牘之煩辭上進者無不備書遺亡者不敢擅補於是定其篇目凡十篇曰君事四臣事六君臨天下名號最重作帝號第一祖宗勲業具在史冊心之精微用言以宣詢諸故老求諸紀載得其一二於千萬作帝訓第二風動天下莫大於制誥作帝制第三太宗其本也藩服其支也作帝系第四皆君事也蒙古苟治之設官用人共理天下治其事者宜錄其成故作治典第五疆理廣袤古昔未有人民貢賦國用係焉作賦典第六安上治民莫重於禮朝廷郊廟損益可知作禮典第七肇基建業至於混一告成有績垂遠有規作政典第八政刑之設以輔禮樂仁厚爲本明慎有要作憲典第九六官之職工居一焉國財民力不可不慎作工典第十皆臣事也

元朝名臣事畧十五卷 蘇天爵著爵字伯修趙郡人弱冠時即有志著書初爲胄子時講誦有餘暇筆札又富乃博取中朝鉅公文集而日錄之凡有元臣世卿墓表家傳徃徃見諸篇帙中及夫閒居紀錄師友講說于元初以來文獻有足徵者彙而萃之始疏其人若干屬以其事

國朝名臣事畧

謝鐸著

續文獻通考卷之一百七十六卷終



又獻通考卷之一百七十七  
 皇明進士雲間王圻纂輯  
 經籍考 傳記 職守 法律  
 御製四十八箴 宋理宗紹定六年製刻為十二軸揭于  
 緝熙殿朝夕觀省左一曰敬天命法祖宗事親齊家右  
 一曰親碩學精六藝崇節儉惜名器左二曰謹言語戒  
 喜怒惡旨酒遠聲色右二曰伸剛斷肅紀綱核名實明  
 賞罰左三曰廣視聽守信義懼滿盈究遠圖右三曰開  
 公道塞倖門待耆老獎忠直左四曰儲人才訪屠釣尚  
 儒術保勇將右四曰恤勤勞抑貪競進廉退斥諂佞左  
 五曰鑒迎合絕朋比察讒間禁苞苴右五曰杜請托罷

又獻通考卷之一百七十七

皇明進士雲間王圻纂輯

經籍考 傳記 職守 法律

御製四十八箴 宋理宗紹定六年製刻為十二軸揭于

緝熙殿朝夕觀省左一曰敬天命法祖宗事親齊家右

一曰親碩學精六藝崇節儉惜名器左二曰謹言語戒

喜怒惡旨酒遠聲色右二曰伸剛斷肅紀綱核名實明

賞罰左三曰廣視聽守信義懼滿盈究遠圖右三曰開

公道塞倖門待耆老獎忠直左四曰儲人才訪屠釣尚

儒術保勇將右四曰恤勤勞抑貪競進廉退斥諂佞左

五曰鑒迎合絕朋比察讒間禁苞苴右五曰杜請托罷



釋老謹刑獄哀鰥寡左六曰傷暴露嚴罪已專為民撫  
軍卒善使過右六曰寬民力飭邊備旌死事懲偷生陳  
公益等撰述箴辭附於各條之下

為君難七箴 秘書郎蔣重珍所進一曰明心二曰反身  
三曰齊家四曰遇大臣五曰處戚屬六曰防私謁七曰  
正百官

左史傳 唐閱撰  
奉使二浙雜記 沈立著  
叙貢奉錄 金陵遺事 錢惟演著

湖山遺老傳 吳芾著  
宋名臣傳 張塘英著塘英新津人商英之兄登進士第  
曰平官中侍御史

古今人物志 楊休之輯  
三蘇言行編 鄞縣魏杞輯  
會稽先賢祠傳贊 史浩著

中興小傳 紹興正論小傳 婁昉著  
齊諧記 元凝著  
癸辛雜志 周密著

紀善記異錄雜志 李孟傳著  
田墨記四十卷 同安吳衍著  
水滸傳 羅貫著貫字本中杭州人編撰小說數十種而

水滸傳叙宋江事奸盜脫騙機械甚詳然變詐百端壞  
續文獻通考 卷之一百一十一



人心術說者謂子孫三代皆堯天道好還之報如此

西湖古今事實 傅牧著

石湖日錄 范成大著

政和雜誌 縣令小錄 淳熙間袁采知政和縣著

平園日記 周必大著

行都記 方勺著

清波雜誌 周昭禮著

隆山雜記 牟應龍著

敬卿前後錄 吳師道著

浦陽先民傳 唐書補傳 南史補 帝紀贊 謝翱著

廣孝傳五十卷 知黃州樂廣目著

通神集三十卷 豐城顧昱考古人勉於孝者多

三十卷

武侯通傳三卷 德安劉羽著

道山記聞 林之奇著

樂平廣記 樂平李士會著士會穎悟博學貫子史百家

說而歸宿於六經為文軋先秦兩漢

貴華錄 高安劉元高著

類編漢唐君臣圖 晉江陳權編

汝南遺事二卷 王鶚著

孔門弟子傳 都昌馮椅著

孔門弟子列傳 眉山蘇過編過乃軾之幼子也



孟子弟子列傳二卷 浦江吳萊著

遼三臣行事 耶律孟簡著 孟簡屋質五世孫太康中詣

關上表云自本朝之興凡二百年宜有國史以垂後世

乃編三臣行事以進

清臺記 皇華記 戒嚴記 為善記 自公記 金張

行簡著

元勳傳 金韓玉著 玉漁陽人以經義詞賦兩科進士入

翰林為應奉應制一日百篇文不加點作元勳傳章宗

嘆曰勳臣何幸得此

至大諸臣列傳 詹思著

錢唐遺事 劉一清著

端本堂經訓要義 大寶錄 大寶龜鑑

李好文著 集歷代帝王故事凡百有六篇分為四日一

曰聖慧如漢昭明二帝幼敏之類二曰孝友如舜文唐

玄宗友愛之類三曰恭儉如漢文却千里馬罷露臺之

類四曰聖學如殷宗緝熙陳隋諸君不善學之類其大

寶錄取古史迄金宋國祚久速治亂興廢為書其大寶

龜鑑則取前代帝王善惡當法戒者為書

人倫事鑑 胡一桂著

寶範 吉水馬佑順著 元英宗所賜名

考古臆說 李廷傑著 取史事以言時務志在祛時蠹起

民瘼剴直無諱明白可行



至元新格 何榮祖以公規治民禦盜理財等十事輯爲此書

鄭氏家範三卷 金華戴良訂正

旌義編三卷 宋景濂曰此浦江鄭義門持守之規前錄五十八則六世孫大和所建後錄七十則續錄九十二則七世孫欽與鉉所補皆已勒石侵板當時公卿大夫士所遺詩文亦類爲麟溪集二十二卷刊示後昆今八世孫太常博士濤復以爲三規閱世頗久其中當有隨時變通者乃更加損益而合於一其間諸父之訓嘗行而未登載者因增入之總爲二百六十八則文辭之屬選有係於事實者則錄之釐爲三卷通名曰旌義編

三正近記 吳源著

東和善政錄 真寶著寶字朝用蒙古人爲政和達魯花赤凡閩中諸郡疑獄難決者行省必以屬於真寶經其訊讞無弗允者政和之民相與集錄其政蹟爲書

真陽共理集二卷 黃邦俊著邦俊永福人延祐中進士知英州此書載其郡事與同僚倡和詩

至正河防記一卷 歐陽玄旣爲河平之碑又自以爲司馬班固記河渠溝洫僅載治水之道不言其詳使任斯事者無考乃從賈魯訪問方畧及詢故老質吏牘作是記欲使來世罹河患者按而求之

忠義錄 張翥集至正兵興以來死節死事之人爲此書



皇明

三朝聖諭錄 太和楊士奇著

皇明開國忠臣錄 定遠黃金輯

遜國忠臣錄 太和黃佐著

皇明名臣錄贊 莆陽彭韶著

皇明名臣言行錄 豐城楊廉輯

皇明名臣言行全錄 常熟沈應奎輯

皇明近代名臣錄 海鹽徐咸輯

革朝遺忠錄 九朝堃記 枝山前間 姑蘇祝允明著

正統臨戎錄 楊銘著

夏邑梅純著

壬午賞功錄 姑蘇都穆著

殿閣詞林續記 黃佐同廖道南著

內閣行實 碩輔寶鑑 豐城雷禮著

燕對錄 長沙李東陽著

密勿稿 東萊毛記著

菽園雜記 崑山陸容著

水東日記 崑山葉盛著

草木子 龍泉葉子奇著

病逸漫記 太原王瓊著

琅玕漫抄 姑蘇文林著

懸笥瓌綴 姑蘇劉昌著



否泰錄 永新劉定之著 又有出使錄

可齋日記 安福彭時著

震澤長語 姑蘇王鏊著

北征錄 新淦金幼孜著

青溪暇筆 金陵姚福著

古今識鑒 鄞袁忠徹著

北狩事蹟 金臺楊銘著

海涵萬象錄 黃潤玉著

復齋日記 諸浩著

蓬軒類紀 姑蘇王禕著

雙溪襟記 郊外農談 日詢手鏡 瑣綴錄 俱太和

尹直著

立齋閒錄 莆田宋端儀著

庚巳編 姑蘇陸粲著

畜德錄 四明陳沂著

閒中今古錄 四明黃傳著

蘇談 吳郡楊循吉著

駒陰冗記 古番閻莊著

中洲埜記 鄱陽程文獻著

西樵埜記 吳郡侯甸著

莘埜纂記 吳郡伍余福著

馬端肅三記 馬文升著

續文獻通考



吳中往哲記 明興雜記 俱古鄆陳敬則著

忠烈編 雙槐歲抄 俱南海黃瑜著

平交錄 瓊山丘濬著

平番始末 靈寶許進著

名賢彙語 雲中紀變 治世餘聞 褒忠錄 俱李東

陽著

辯姦錄 宋濂撰

深慮十首 遜國臣記 俱方希古著

續東萊大事記七十九卷 王華川著

赤城論諫錄 黃孔昭輯

異魚圖贊 楊慎著

王氏家訓一卷 宋景濂曰浦江王子覺取鄭氏家範參

定而損益之凡馭家之禮質文之兼至應物之務內外

之齊飭鄉人莫不感勵而豔慕之

皇明名臣琬琰錄 王世貞著

善治指南 蜀郡何槐著

職守

新舊官制通考通釋 曾三異著三異新淦人少有詩名

除大社令力求去時號雲巢先生

七司條例書 葉顥字子昂仙遊人任吏部侍郎時編為

此書以便遵守

官吏須用十六卷 唐律審要六卷 梁琮著琮安陽人



父卒廬墓以孝行稱累官福建轉運副使

皇朝職制 龍溪余嘉著

憲度權衡 劉敏士著

漢志考 王應麟著

麟臺故事 孫逢吉著

宋朝職畧 鄒補之著

宅揆成鑒 薛據著

漢官王師職源 徐次鐸著

歷代官制說 陳剛著

吏部格例一百八十卷 高謙著謙磁州人幼翹俊業兼

儒學將仕佐郎歷轉河間等路都轉運鹽使後加

吏部尚書

鐵榜 洪武五年作以戒勳貴 成祖靖難後頒 賜武

臣

諸司職掌 洪武二十六年 命吏部同儒臣倣古六典

類編為書

稽制錄 洪武二十六年 命儒臣稽考歷代官封爵里

名號虛實成書以 賜功臣用遏奢傲

官箴 宣德七年 宣宗製自都督至儒學凡三十五篇

宰輔沿革 謝鐸著

職方集 洪武中吏部尚書劉崧著

太常志十卷 夏言著



政訓一卷 天曹日錄 秋臺錄 俱彭惠安著

蒞政戒銘四十二篇 殷近仁著

牧民心鑑 大理寺丞朱逢吉著

法律

欽恤編 陳光祖作以戒僚屬光祖字世德奉化人

讞獄集 元絳著

棠陰比事 桂萬榮著萬榮慈谿人慶元初進士歷典州

縣有聲任終直秘閣

大元通制 樞密副使完顏納丹侍御史曹伯啓等纂集

凡二千五百三十九條內斷例七百一十七條格千一

百五十一詔赦九十四令類五百七十七孝本魯翀序

洗冤錄 宋慈著慈建陽人嘉定中進士居官所在有聲

至正條格 至元四年二月修至正五年成制詔百有五

十條格千有七百斷例千五十有九

措刑論 南安錢熙著

審聽要決 詹思著

大明律令 洪武元年 命中書省御史臺諸臣詳定

大誥三編 洪武十九年作見前

問刑條例 嘉靖二十九年定

讀律瑣言 豐城雷夢麟著

宗藩條例 嘉靖乙丑年編

外戚事覽 宣德元年 御製

續文獻通考

卷之二十七

十



洗冤集覽

王圻著

律條疏議

四明張楷著

金科玉律

讀律管見

祥符陸柬著

律解辯疑

餘姚楊簡著

續文獻通考卷之一百七十八

皇明進士雲間王圻纂輯

經籍考

地理

譜牒

儒家

江表志三卷

寧化鄭文寶著

地里總括

新羅國記

翁夢得著

名山水記三百卷

沈立著立歷陽人以進士累官右諫

議大夫判都水監嘗著河防通議治河者守為法

地理新書

掌禹錫著禹錫鄆城人舉進士博學多記嘗

預修皇祐方域國志及郡國手鑑

水利書

范仲淹著



會稽三賦 王十朋著

山川地理圖 程大昌著

水利圖經 程師孟嘗灑渠築堰淤良田萬八千頃州縣

哀其事為水利圖經

天台圖經 宋之瑞輯

訂正三輔黃圖 王應鳳著應鳳字仲儀雋弟登文天

祥榜進士所著又有默齋稿

皇圖 丘仲孚輯

錢塘勝蹟 僧懷顯著

臨海水工異物志 沈瑩修

陽明洞天圖經 陳謙著

湖古蹟事實 杜光庭著又有傳牧撰者載前考中以

楊蟠西湖百詠增廣共為一百八十三目

武昌土俗編 薛季宣輯

晉陽志十五卷 趙彥勵集

清源志 戴溪修

建安志二十卷 林光撰光乾道初登第又嘗為時務論

兵論迂論數十篇

石洞遺芳集 郭德誼著

三山志四十卷 梁克家纂輯

仙溪志十五卷 黃巖孫氏景傳溫陵人寶祐間為仙遊

尉纂集此書



續文獻通考 卷之二百七十一  
二  
二百九十三  
鈴岡續志 趙尚之修分宜有縣起宋雍熙至嘉定間謝  
令謀作縣志不果淳祐間黃尉始成之元興六十有七  
載浚儀趙尚之為尹百廢具興乃作鈴岡新志以續前  
編

處州圖經 盧憲著憲字子章天台人宋時為教授

嘉定龍泉志 紹定青田志 嘉太括蒼志畧 咸淳縉

雲志 俱陳百朋修

越州新志 陳公亮修

衢州圖經 張元成輯

東陽記 鄭緝之著

浦江縣經 咸淳東陽志 宋之槐修

嚴州圖經 董彞著

方輿勝覽 祝穆著

歷代郡縣地理沿革表 張洽著

西漢地理疏六卷 山經三十卷 徐天麟著

饒州志二卷 四明史定之著

地理考 王應麟著

宇內辨疆域志 吳澥著澥崇仁人隆興初進士以朝臣

薦召對孝宗壯之除大學錄

聖域記 龍溪余嘉謨著

襄陽形勝賦 魏泰著泰襄陽人

玉峯志 項公澤宰崑山修



卷之二十七  
二百六十八

睦州山水人物記 謝翹著

齊乘 青州于欽著

補正水經五篇 晉陽志十二卷 金真定蔡珪著

處州路志 皇慶修

義烏志七卷 黃潛修 潛義烏人官翰林侍講學士天資

介特文辭謹嚴而精

曲江志 晉江蘇思孝修

九州志 蕭軒著 軒奉元人博極群書讀書南山三十年

延安志 朱霽修 霽仕衢州路總管有惠政

富春人物志 楊維禎修

雁山十記 李光孝著

雲澤記 朱伯賢著

大元一統志 卜蘭禧 岳鉉等進

南詔紀行 郭松年著

雲南志畧四卷 大德五年李京奉命宣慰南蠻始悟前

人紀載之失悉其見聞為志畧虞集序

紀古滇說原集一卷 張道宗著其書始自唐虞迄於咸

淳滇之方域年運謠俗服叛記載事一一詳具

古職方錄八卷 松陽志畧 浦江吳萊著

浙江賦 沈幹著

吳興賦 趙子昂著

水利書十卷 任仁發著

續文獻通考 卷之二百七十八



高麗志四卷 王約著

春秋地理源委 杜英著

王融志 容安十稿 黃諤著諤字忠甫福清人讀書精

博不交世事同縣陳革亦博學工文所著有中隱集

水利通編 韓準著

崇陽志 嚴士真著

皇明

洪武誌書 洪武二十八年成

大明志 洪武庚戌 命儒士魏俊民黃箎劉儼丁鳳鄭

思先鄭權等編類

寰宇通志 洪武十三年 太祖命儒臣類集天下道里

方輿總為八目以便覽閱景泰七年始成

大明一統志 天順五年成初 成祖命儒臣纂修未就

至是 命李賢呂原等重修凡九十卷

承天大志 嘉靖癸亥年 世宗命儒臣張居正等纂修

以進 賜名輿都承天府志

赤城新志 禮部侍郎謝鐸著浙江太平人

新安文獻志一百卷 程敏政著

漕河通志 吏部尚書王恕著恕三原人

遼海編 上元倪岳著

大明輿地圖 嘉靖中吏部員外郎李默著

寧波簡要志 黃潤玉著



北岳代錄 莆陽志十卷 俱彭惠安著

漕政舉要 邵文莊著

洞天玄記 滇載記 俱楊慎用修著

星槎勝覽 永樂中遣太監鄭和等領兵曉諭諸番大倉

費信採其風俗土產之詳作是書以獻

九邊圖考 蜀東撫夷錄 皇明拱衛錄 俱僉事魏煥

著煥長沙衛人

湖廣通志 副使魏裳著裳蒲圻人

雍大記 信陽州何景明著

冀越通 烏程唐樞著

使交集 洪武中金谿吳佃宗著

使琉球錄 給事中陳侃以嘉靖十四年使琉球圖其山

川風俗人物夷語夷事為錄以進

譜牒

姓氏源流 徐均著

朱氏傳授支派圖 同安王力行文公門人也著此傳世

女直郡望姓氏譜 金完顏勗字勉道穆宗第五子好學

問國人稱為秀才撰此譜

帝王經譜 熊克著

孔氏譜 揭傒斯曰孔氏世家一卷其派之在江西而顯

者是為臨江三孔三孔之子孫曰克已者是為先聖五



續文獻通考卷之二百一十八  
十五世孫由江西不遠三千里拜曲阜林廟且因以考訂其譜牒而收其所未續者遂之京師以示諸學孔子者俟斯得與觀焉

國統離合表 姚燧著

關里譜系 孔子五十四世孫文昇修其自序世家畧曰文昇之十二世祖檜唐同光中避亂自關里來居溫之平陽檜生奕奕生源源生實實生麗水縣丞會會生平平生達達生公志公志生處州司戶參軍師古師古生炳炳生貴敬貴敬生潼孫是爲文昇皇考始家於杭宋德祐末職教建康以道梗不能歸南因又家焉旣又娶于溧陽携諸姑就外氏以居又爲溧陽人趙孟頫有序

龜山年譜 黃去病著去病邵武人咸淳間宰相取龜山年記訂正之號曰龜山年譜

分宜彭氏族譜 歐陽圭齋曰予讀彭氏家傳安定王珩雄據一方士馬精銳馬楚爲之請于後唐錫爵崇貴跡其才智英毅豈下五季諸雄哉惟能自處冲抑不竊位號故其子孫衆多美譽不墮殆鬼神之福謙者歟傳又言王享年九十有八好學不衰子弟從受二戴禮及春秋者千餘人非有絕人之資不至是也

白石周氏族譜 歐陽圭齋曰周氏府君羨仕唐至僕射迄今冠蓋不絕屢遷而不替

章氏家乘 宋濂氏曰龍泉章溢懼世遠族殷漸至不可



攷乃稽厥系緒作譜圖篇第一先世遺行可仰可師撫其都凡區別以陳作景行篇第二竹素所載琬琰所刻文章昭爛不愆其實作傳至篇第三事涉攷質難以類分大小弗彙集以示後作叢載篇第四四篇之外復著本房圖以為別錄通名曰章氏家乘章氏本姜姓神農氏裔子孫封於鄆遂氏焉後鄆為齊所滅遂去邑為章姓

番禺蒙氏譜 金華宋景濂曰蒙之先齊人也秦時恬毅皆死扶蘇之難番禺之蒙姓於宋諱甄者自北方來知廉州遂家番禺其八世孫安懼不能承其緒考次八葉字名支裔為譜使後人知所自焉

敬陵汪氏家譜 宋景濂曰汪氏出於魯成公之次子汪後遂以汪為氏子孫自汪以下咸述其字名官位壽年墳墓所在他若墓中之銘朝廷之命為汪氏出者咸無所遺歷秦漢至元季有孫曰中者七十有餘世矣燦如目見而耳受焉

符氏世譜 宋景濂曰符出自姬姓魯頃公之孫足仕秦為符璽令因以為氏譜為文昌所修凡諱某字某娶某氏幾子葬某處壽若干咸備著於後

張真人世家一卷 漢張道陵乃張良之裔擇居廣信府龍虎山世為天師唐名其居曰真仙館宋大中祥符間改上清觀政和間賜名上清正一宮神宗嘗賜玉印元



大德間賜名正一萬壽宮

西甌黃氏家牒 黃仁修仁祖義夫早歿仁父服滿隨母  
改適同姓黃清後黃清自有子因還家奉祀仁懼正系  
無攷故修之使後世有所稽云 按宋景濂曰黃陸終  
之後受封於黃後世因以為氏

泰和劉氏先德錄 宋潛溪曰錄首譜其宗支次表其世  
科次輯其遺文而名公卿之為劉氏作者亦類附焉通  
名曰先德錄十六世孫諤所為也諤三子麓崧埜後旁  
搜曲採倘可入編中者悉騰附焉

戴亭張氏譜圖 張允達修允致謹於先代遺文裝裱成  
卷而珍襲之

五宗世系記 甄璧著

金石遺文跋尾十卷 金蔡珪著

程氏統宗譜四十卷 明新安程敏政著

尚古類氏 汾陽王文翰集

張曲江年譜 東陽張樞著樞字子長

儒家

太極圖西銘輯說 都昌馮椅著

太極圖解 安福劉霖著

二程龜山語錄 沙縣羅仲素著

儒志編 王開祖著

程門問答錄 鮑若輯

續文獻通考



類次文中子 陳同父輯

讀書記 書疑 東萊日程 東萊博議 呂祖謙著

近思錄發揮 伊洛精義 何基著

伊洛指南 王柏著

晦庵語錄 胡常次

性理叢說 傅淳著

近思錄補註 戴亨著

格物入門書 方逢辰著

玉泉講學錄 程迥著

綱齋問答十卷 光澤李閔祖著閔祖呂之子也自號綱齋黃幹李燔張洽陳淳皆敬重之

師訓編 輔廣著

性理本旨 孟夢恂著

禮義林 汪自明著

正蒙解 朱謚著

曾子遺書 七十子說 中說辨妄 戴良輯

集會子 章樵編

道統錄 車若水著

正性論 江右淵源錄 李直方著

太玄經註 王涯撰 葉杰亦有此書

近思錄廣輯 柳貫著貫浦陽人

近思錄義類 莆田黃績著

續文獻通考

卷之二百七十八

九



書說三十餘卷 李相祖字時可閔祖之弟在朱門辨質  
詳明用心精切以熹命編此書

傳道精語 光澤李方子著方子字公晦呂之孫嘉定中  
廷試第三後學於朱文公直德秀袁甫嘗進其禹貢解

授朝奉郎致仕

師友問答集 光澤劉剛中著剛中從朱文公學

伊周素蘊 臨川鄧考甫著

首陽續註 興化黃中器之著器之宋未人

儒術通要經濟格言 劉顏彭城人好古學不專章句舉

進士知龍興縣免官家居以著書自適學者嘗數千百  
人所著格言石介見之歎曰恨不在弟子之列

玉泉語錄 性理窟 喻樛著出處見前

延平問答語錄 李侗著侗劔浦人從學羅從彥結茅中

山謝絕世故餘四十年食飲或不充而怡然自得朱熹

師事焉世號延平先生

則書十卷 龍游薛紱著紱舉進士為成都教授與魏了

翁遊講明易學因著此書

群經感發四十餘卷 俞宗亨著宗亨山陰人知漳州罷

溪港津渡之權減去經總制錢苛取者

困學記聞 王應麟著

儒志一編 王景山著景山永嘉人少敏悟書過目成誦

慶曆初進士當伊洛諸儒未作景山獨能發明經蘊學



者宗之

水心進卷 葉適著適永嘉人淳熙中進士雄文奧學推

重當世雅以經濟自負

修和管見 章節夫著節夫臨川人少從陸九淵學因取

象山晦菴辭異旨同處疏之曰修和管見

聖學淵源五卷 謝諤新喻人幼敏慧日記千言為文操

筆立就紹興末舉進士光宗登極獻十箴累遷御史中

丞尋以煥章閣學士知泉州

月石先生至言 弋陽余吳行著

斥蠹正言二書 張庠著庠永新人博通經史著二書以

排佛老號白雲先生

追記語錄一卷 孫自修字敬父宣城人偕其弟自新

任從朱子遊朱子嘗貽書商確傳訓歿自修追記語錄

一卷附朱子語錄中

家訓 張雄飛著

有齋語錄 安福陳經著經慶元進士

學諭 錢公輔著

經世明道集 徐宗度著宗度以聖賢之道載之言觀其

言足以知其所用嘗辟教官

師說十卷 莆田鄭可學著

皇極經世太玄潛虛指要 蔡西山著

張氏祝氏皇極觀物外篇編 馬廷鸞著

續文獻通考

卷之二百七十一

共



經史明辨 經史管見 人物論 陳宗禮著宗禮字立

之南豐人淳祐四年進士官至叅知政事著述甚多

師友淵源辯 呂本中著

柯山講義 魯樵哀稿 孔元龍著

忘筌書五卷 觀象玄契二圖 章才邵著才邵字師古

崇安人悟新學之非著此書又理性書九篇號浩然子

劉勉之劉子翬胡憲皆喜其書前考稱潘楨撰止二卷

置於雜家

春陵小雅 臨川曾極著朱子得其書大異之

濂洛論語十卷 溫州劉黻取濂洛諸書摘其精要語輯

而成書

文公語錄 順昌廖德明集 又有晉江楊至著凡二卷

朱子語畧 楊奐著

朱子語類 葉味道著

朱子語錄 葉賀孫編 順昌余大雅亦有朱子語錄一

卷

張英甫尊經篇 英甫臨川人受學陸九淵有易書詩語

孟中庸口義五十餘篇名曰尊經又有要言渾象原意

雜詩

文公語類一百三十八卷 文公書說十卷 莆田黃士

毅因文公語錄分門序次成書

文公要語 熊禾字去非號勿軒建陽人取文公諸書擇



其至精且要者為此書而以邵馬張呂及朱氏門人之說為附錄

雲莊外稿 建陽劉燦著

誨錄三十卷 葉廷珪著廷珪字嗣忠甌寧人篤學醇雅

葉顥陳俊卿黃舜祖鄭丙皆出其門

傳心直指十卷 寧德高汝諧集關洛諸公語為之所著

又有一得錄愚齋類稿

性理小學直解 熊剛大著

會心錄 趙希循著

銘心偶錄 樓大年著大年浙人

心書六卷 奉化舒津著

續思錄 蔡模著模字元覺元定之孫輯文公之書為之學者稱覺軒先生

性理遺書十四卷 張復著復字伯陽建安人為建寧路

知事師事鄭儀孫學易得丘氏之傳此書輯諸儒遺論為之

集說 金張特立著特立字文舉東明人泰和中舉進士

中國心學 金李純甫著純甫字之純襄陰人承安二年

經義進士以諸葛孔明王景畧自期

楊子發微一卷 大玄篋贊一卷 文中子類說一卷

俱金趙秉文著

性理字訓 建安鄭儀孫著

續文獻通考

卷之二

十四



經史要旨 建安葉夢龍著

經世補遺三卷 丘富國著

經世書聲音既濟圖 同安丘葵著

道統錄 浙人車若水著

諸書日記 莆田劉彌邵著

太極圖西銘學庸解 仙游趙升賢著刻於濂泉書院

學易記 觀物外篇 永年何榮祖著榮祖任叅政至元

大德間朝廷晏然皆賴其力

格物類編 元城潘迪著

救性七篇 明統三篇 禮論一篇 章望之字表民浦

城人仁宗時以光祿丞致仕學宗孟子言性善排荀

韓子之說著救性七篇又以歐陽修魏梁正統六論為

非者明統三篇以李觀論仁義智信樂刑政皆出於禮

著禮論一篇以訂其說其議論多有過人者

宗範五卷 惠希孟著希孟江陰人學問該博持守嚴重

兄老無子希孟奉侍如父

性理發蒙四卷 黃鎮成著

性理本旨 孟夢恂著

學基學統私錄 吳澂著澂自幼知用力聖賢之學著此

書及友言集仕至翰林學士學者稱為草廬先生

諸子成書 黃瑞節著瑞節安福人元季不仕嘗輯濂洛

關閩諸儒之言為書并加註釋



道園學古錄 虞集著集弘才博學累遷奎章閣學士日

取經史中切於心德治道者陳進經筵其論薦人才必

先器識平生為文萬篇

性理群書 永新馮翼翁著

餘力稿 樂平朱公遷著

管窺外編 平陽史伯璿著

正學編 浙人陸正著

先儒法言粹言 浮梁吳仲遷著

續皇極經世書 藁城安熙著

經說 理學正宗 俱趙居信著

學則二十卷 東陽蔣玄著

正蒙書說 禮說 易說 豐城宋隱著其

曰先天之學心學也邵子以命世人豪乃探是圖著為  
皇極經世書性命物理之說重明于世學者往往厭其  
難棄而弗講予于是有經世說張子正蒙書實與太極  
圖通書西銘並傳而未有為之註釋者予於是正蒙  
書說禮經殘缺已久朱子雖定為儀禮經傳而其輯錄  
多出於門人勉齋黃氏與信齋楊氏其中子奪多有未  
定余於是其禮說易之為書廣大悉備伊洛大儒雖嘗  
論著而其義皆愈索而愈無窮予於是其易說然書多  
未脫稿芟煩補闕先生責之子善

春谷讀書記二百卷 元婺州路儒學教授季仁壽著仁



壽歷覽群書所節抄者惜兵火之餘皆鮮有存

讀書記二十五卷 經問四十卷 吳山錄二十卷 熊

本著本嘗從吳文正公澄學所謂吳山即記吳門問辨  
之所得者

太極圖解 通書解 聖賢大意 性理大明 答客問

石室新語 淳熙糾繆 鹿皮子飛小稿合數百卷

東陽陳樵著樵於書無所不讀讀無不解形於辯論見  
於文辭懇懇然為入道之文於狀物寫情尤精然亦自  
出機軸不蹈古今遺轍又嘗入太霞洞著書其書縱橫  
辯博孟軻氏而下皆未免於議論

希賢錄 蔡用之著用之新昌人天禧初進士嘗獻萬言

書真宗覽之驚喜出其文以示諸學士所著又有世道

集友議雜書

師說 李顥著顥字伯端洛陽人才識穎悟舉進士元祐

中為秘書省校書此編皆記二程先生語

纂次伊川語錄 吳興唐杖著杖嘗從程頤學頤教之以

先大學次論孟杖自是有所得遺書相問答甚多因纂

次百餘條門人記錄為詳

至性書三卷 仙游茅知微著

讀書記 直德秀既歸浦城著語門人曰此人君為治之

門如有用我者執此而往可也 袁桷亦有讀書記

博約考一卷 南城江文海著自歷代制度古今政治人



物賢否靡不具載

皇明

聖學心法 永樂七年 御製

朱子學的 瓊山丘濬著

程朱正學纂要 天順中漳州陳布衣先生真晟詣闕上

此書

康齋語錄 天順中宗仁吳與弼著弼號康齋字子傳

體驗錄 李賢著

續西山讀書記 伊洛淵源續錄 俱謝方石著

定性書說 邵文莊寶著

先後天圖學考證 西銘旁通 象山語類 太極圖竅

要 新增河洛淵源錄 皇極經世啓鑰 劄記三卷

氏梓遺書 二程年表 俱楊文恪濂著

皇明理學名臣錄 楊廉輯

太極圖說 河圖洛書說 啓蒙圖解 俱提學副使蔡

清著清晉江人

太極圖解 蒲霍二州學正曹端著

朱子實記 戴銑著

老子集解 約言 俱薛惠著

道德陰符經註 黃潤玉著

朱子晚年定論 王文成公守仁著又有傳習錄

楊子折衷 彭德崔銑著

續文獻通考

卷之三百二十一

十八



附註真文忠公新經三卷 程敏政著又有道一編

薛文清讀書錄 河東薛瑄輯

續文獻通考卷之一百七十九

皇明進士雲間王圻纂輯

經籍考 雜家至藝術

雜家

賓朋宴語 丘旭宣城人弱冠始讀書學為文詞凡九舉

不第而自勵彌篤及再試遂第一呂蒙正聞其名薦授

京秩嘗纂自古賢俊遺言為賓朋宴語

尺牘筌蹄 奉化陳桎著

註釋武成王廟贊五卷 和峴著

釋問 朱長文著長文元祐中為太學博士

張子卮言 廬陵張汝明著汝明元祐中進士劾蔡京知

續文獻通考

卷之一百七十九



續文獻通考 卷之三百一 二百七十八頁

岳州卒

叢語 姚寬註

談苑十五卷 黃鑑著鑑字唐卿浦城人舉進士為楊億

所稱

鷄窓叢覽一百卷 高頤著頤寧德人紹興中進士以從

岳飛謫象山剛直之氣始終不渝

廣學雜辯 趙彥逾著

評古一刪 龍溪黃學臯著學臯崇尚伊川學制舉為有

司所斥

江東十論 許叔度著叔度字端夫寧德人淳熙七年鄉

舉

項氏家說 項安世著

雜錄二卷 聞見因筆二卷 王宗道著

南部新書 錢希白著

鶴林玉露 羅大經著

齊東野語 周密著

芻言永鑒 陳仁玉著

中隱對 劉觀德著

玉潤雜書 避暑雜話 巖下放言 石林燕語 俱葉

夢得著

釋騷 林至著至華亭人歷官秘書省登朱文公之門

廣訓 程俱著

續文獻通考 卷之三百一



準齋雜說 吳如愚著

忘懷錄 清夜錄 沈括著

筆錄十卷 盧奎著奎邵武人政和初進士仕至江西運

判其學多得於楊龜山晚寓黔中著此書

觀物餘論 鄭伉著

楊臺雜著 臺省因話錄 石公弼著

筆志 汪自明著

盤珠纂論 翁夢得著

經史管窺 陳模著模字中行永春人慶元中登第開禧

初召試館職後知梅汀二州

霏屑錄 劉孟熙著孟熙浙人

舊訓聞說十五卷 李心傳著

山居新語 楊瑀著瑀浙人

語纂 閉戶錄 俚語 俱崇仁李釗著釗為人熟於典

故以駢儷著稱

策府五十卷 孫調著調字和卿長溪人其學得朱文公

之傳以排擯佛老推明聖經為本學者稱龍坡先生

傳言鑑事三十篇 劉度著

時習編 王萬著

梅隱筆談 喻南強著南強浙人

觀過錄三十四章 張翰著翰字雲卿號坎翁寧德人乾

道中進士居官蒞政所至有聲



群書新錄 唐仲友著

緯畧 騷畧 高似孫著似孫鄞人文虎子官禮部尚書

世範 袁采著

書林外稿 袁士元著士元鄞人鏞之孫薦為翰林國史

檢閱官不就

日記 時少章著

復仇對 戴溪著

鏡菴叢說 史彌大著

琴書人覺一十卷 晉江黃泚著

續古雜著二卷 浙人鄭樸翁著

侯籍錄 浙人趙令時著

真暇錄一十五卷 金趙秉文著

藜談十卷 金王庭筠著庭筠字子瑞河東人未暮視書

識十七字登大定十六年進士官終翰林修撰

玉峯冗藁 浙中車若水著

白獺髓 浙中張仲文著按白獺髓可療箭瘡而書以之

名蓋抹時之論也

韓子槩言 楊奐著

翼騷一卷 邵武黃伯思撰

變離騷九篇 高元之著九篇者曰愍時志曰臣薄才曰

惜來日曰力穉曰危衷曰悲嬋娟曰古誦曰繹恩人共

傳之謂宋儒擬騷弗能及也



雲峯筆記 胡炳文著炳文稱雲峯先生

策府樞要 魯淵著

多識錄 樂平馬端臨著

筆記一卷 黃潛著

談叢 談傳 談肆 談殘 昔遊錄 舒嶽著

管仲子糾辯 牟楷著

草木子 葉子奇著

莊子補劓 千金毬 齊瑟 崇仁胡以遜讀莊子惡其

駁雜乃采諸家之說而為補劓下二書亦以遜著

夏二子傳一卷 吳元美字仲實永福人嘗作夏二子傳

蓋指蚊蠅也其鄉人鄭煒一於秦檜誣其指斥國家議

毀大臣坐謫容州再謫南雄州卒

繩子三卷 蔡蒙叟閩縣人博通古今養高不仕號貞白

子著繩子三卷凡五十七篇

姚氏戰國策 姚寬著

鮑氏戰國策 鮑恢著

戰國策校注 吳師道著

策樞通覽二百卷 弓冶錄若干卷 婺州路教授季仁

壽著

戰國策注 鮑彪著

雲山夜話 新建龔碧梧著以釋五經未發之義

緯文瑣語 李郭著郭宜黃人文學浩博號為書廚

續文獻通考



石塘閒語 劉公遇著公遇字養正福州人所著又有心錄數卷

鐘幢嘉話 余元奉著元奉羅源人景定中進士採邑之先賢事實可裨名數者類編以成

脞談 脞稿各若干卷 宋邵著邵桂子登咸淳進士為斯文領袖

日行辯 明德辯 劉濟著濟字應徐崇安人有詩名燕樂原辨 西山蔡元定著

嬾窠類藁 晉江林外著 玉融新對 許拱辰著辰字元弼永福人以經學詞章聞於鄉

輟耕錄 俱天台陶宗儀著宗儀做曾慥類說而作說郭曾所編者則畧去之君子謂其尤精博云輟耕錄則隨其所見聞筆之朝野之事俱備足稱小史

農家 農桑輯要 農桑圖說 俱苗好謙撰好謙城武人勤於織務因著此書行於世 又暢師文字純甫南陽人所著亦有農桑輯要

玉燭寶典 杜臺卿著 酒經 大隱翁著 耕織圖 韓彥直著 菌譜 陳仁玉著

續文獻通考

卷之二百七十九

五

二百九十五山

六



耕譜 慎溫其著

菊譜 劉蒙撰 又史正志 范至能皆有菊譜

便民錄 同安許伯詡著

山居四要 汪汝懋著汝懋淳安人

樵歌八事 徐綱著

茶錄 熊蕃著蕃字叔茂建安人宗王安石之學號獨善

先生所著茶錄釐別其品第高下最為精當又有製茶

十韻今傳於世

竹譜 李衍著衍蘄州人號息齋道人官至浙江行省平

章政事善畫竹石枯木

皇明雜家

雜錄二十八章 方希古著又有釋統三篇

國初禮賢錄 劉基著 石渠意見 王恕著

綠雲亭雜記 清江敖英著又有寓圃雜記

楓山語錄 蘭溪章懋著

百可漫志 閩中陳羅著

客座新聞 長洲沈周著

仰山脞錄 江右明文著

近峯聞錄 吳郡皇甫錄著

蓉塘詩話 四友齋叢說 俱東海何良俊著

藝苑卮言 瑯琊王世貞著

梓吳 古鄞陳敬則著

續文獻通考



楊文敏公年譜 李東陽著

西湖塵談錄 莆田宋端儀著

呆齋錄 劉定之著

王文恪公筆記 王守仁著

困知記 太和羅欽順著

玉堂雜著二卷 王華川著

修玩志六十三卷 大學士夏言著

論諫錄 謝方石著

家規一卷 楊文恪濂著

宋逸民錄十五卷 程氏貽範錄四十卷 俱程敏政著

桃源建昌征案 東昌撫案共十卷 撫屬雜稿一卷

江年譜十六卷 俱端敏何公著

升菴詩話補遺 篋篋新詠 堽戶錄 滇侯記 楊子

卮言閨集 敝帚病榻手吹晞篋篋 秋林伐山 赤

牘清裁 赤牘拾遺 叙管子錄 群公四十六節文

古今風謠 填語選格 百琲明珠 古今詞英

填詞玉屑 古謬 古雋 寰中秀句 逸古編 已

上二十項俱楊慎用修著

策要論林 梁寅著

雜錄三卷 李文達著

物類稿 順慶知府解延年著

天文

續文獻通考

八



六經天文編 王應麟編

天官書集註 高文虎集文虎鄞人閱之子也孝宗時官

翰林學士

渾象原意要言 張英甫著英甫臨川人受學陸九淵

渾儀圖 陳剛著 王元之亦著

星圖證驗 潘翼著

明天集 周鏐著

天文考 王柏著

五星聚井辯一篇 懸家賦一篇 金趙秉文著

七政疑解 孟憲恂著

中星儀象等圖 李學遜邵武人緬九世孫博學洽聞善

此其所著書也

律誌 高元之著

修管見 如臯何塘著塘字華夫登弘治壬戌進士庶

吉士南京右都御史

大明清類天文分野書 洪武十七年 命劉基等纂

天元玉曆祥異賦 洪熙元年刊

璿璣圖 周文安著

夏小正錄 楊甲修著

太乙三辰顯異經十卷 蘭谿葉用著

曆家

太乙壬密玉成曆 徐復著復字希復莆田人慶曆中以



續文獻通考卷之二百七十九 九 二百八十四

宋綬林瑀薦召見講易及論用兵因獻所著邊防策洪  
範論命以官不就賜號冲晦

律曆志解 寧德陳成父汝王著

春秋曆法 曾元忠著元忠永豐人大觀間登第累官州

教授

中興小曆 熊克著克字子復建陽人孝宗時進士為校

書郎博聞強記喜著書

長世論五十篇 丘濬著濬建安人幼穎悟博通經史尤

精於曆數

六曆賦 豐城孫義伯著

甲子編年曆三卷 劉蒙叟著

白中歌 趙王白著冀州人明天文

庚午元曆 耶律楚材撰楚材遼東丹王之後元太祖時

為相以金大明曆不應乃制庚午元曆

授時曆 世祖至元十七年郭守敬等以為金雖改曆止

因劉宋之曆微加增益未嘗測驗於天况冬至者曆之

本而求曆本者在驗氣汴宋舊儀今多不協乃與南北

日官陳鼎臣等創造儀象圭表為器凡十有三復遣監

候官十四人分道測驗凡二十七所徧參曆法酌取中

數成新曆上之言自漢以後曆法經七改創法者十三

家今所考正者凡七事所創法者五事其法視古加密

而又悉去諸曆積年月日法之傳會者一本天道自然



之數可以施之永久而無弊

算經圖釋九卷 彭絲著

石塘算書 寧德陳尚德著

麻荅把曆 回鶻曆名也耶律楚材嘗言西域曆五星密於中國因作此曆

曆髓 宋濂氏曰盱江廖應淮學海所著好研磨運世推移及方技諸家學嘗遇蜀道士杜可大得邵堯夫先天學能逆知未來事其書間傳於世

五行

遁甲奇書 鄭淵著

六甲奇書一卷 周鏐著

五行秘記 姚寬著

五行新書 德興董濬著濬於建炎間嘗進所撰興治綱

領圖中興四議等書

元經圖 張庠著以推五行六度之驗

星畧算學 楊文恪著

占筮

周易卜筮 靈武韓道冲著

復古著傳 豐城孫義伯著

卜世大寶龜 鄧考甫著考甫臨川人嘉祐中舉進士元

符末應詔上書言新法必亂天下坐殿高安

畫前妙用 盱江廖應淮學海著

續文獻通考

卷之二百七十九

十一



續文獻通考 卷之二百二十九 十一 三百二十  
續著記 至元十年春二月劉因作

校正郭樸葬書 崇仁吳澄著

獎書新註 景濂宋氏曰葬書號為郭景純所作後世葬  
巫競起而蕪穢之至於二十篇之多然李通刪去十二  
而存其八吳伯清又病祭氏未盡蘊奧擇至純者為內  
篇精粗純駁相半者為外篇粗駁當去而姑存者為雜  
篇新喻劉則章親受之吳氏為之註釋頗有發明

兵書

將帥要畧 胡旦著

禦戎七論 宋祁著祁庠弟與兄同時舉進士歷官大常  
博士進翰林學士禮部侍郎累加龍圖閣學士與歐陽

脩同修唐書

慶曆兵錄 瞻邊錄 武經總要 備邊十策 丁度著

度字公權祥符人真宗時登服勤詞學科官翰林學士  
中興兵房事類 徐次鐸撰次鐸東陽人負才尚氣登紹  
熙間進士

兵書解 鄒補之著

南北邊籌十八篇 曾三英著考究三國六朝攻守事迹  
著此書

漢兵本末 徐天麟著天麟開禧初進士累官武學博士  
通判惠潭二州所至興學明教有惠政

漢南北軍制 易後著



續文獻通考 卷之二百七十九  
備邊三策 牟子才著

邊宜十策 王定國著定國長樂人少有大志紹興末上  
此策後知高郵軍政蹟甚著

司馬法講義三卷 三畧講義三卷 浦城何去非著

八陣圖說 蔡元定著

漢兵制備邊十策 陳傅良著

歷代將鑑博議 會稽兵家術 戴溪著

兵畧 李光著

歷代邊防屯田便宜 黃度著

邊方兵政十六事 徐綱著

兵書訂解 陳舜申著

兵書應籌策科 許洞著

兵書二卷 胡閔休著

校正八陣圖 吳澂著

續百將傳 何椒丘著

紀効新書 戚繼光著

武學經傳句解 王圻輯

醫家

傳信方一百卷 卞大亨著大亨字嘉甫其先秦州人靖

康中調懷寧簿隱居象山自號松隱居士

陸氏續集驗方 陸游集

傷寒論脉訣 楊介盱貽人善醫著此書及脉訣行於世

續文獻通考

卷之二百七十九

三十一



四時養頤錄 趙自化平原人父和嘗集經方名藥之術以授自化自化遂以醫鳴診治有奇効累遷至正使

集醫錄 徐夢莘著

直魯古脉訣針灸書 遼直魯古吐谷渾人太祖破吐谷

渾一騎士棄橐反射不中而去追兵開橐視之得一小

兒即直魯古也因所俘問其故乃知嬰父世善醫雖馬

上視疾亦知標本不欲子爲人所得故欲射殺之耳由

是進於太祖欽哀皇后養之長亦能醫專事針灸

原病式一卷 宣明論五卷 運氣要旨論一卷 金河

間劉守真名完素早遇陳希夷服仙酒醉覺得悟素問

玄機著此三書

儒門事親十四卷 金張從正字子和考城人精於醫買

穿難素之學其法宗劉守真用藥多寒涼然起疾效死

多取効與定中召補太醫居無何辭去與麻知幾輩日

遊滙水之上講明與義辨析玄理遂以平日聞見及嘗

試効者著爲此書又有六門二法

傷寒纂類四卷 活人書二卷 傷寒類三卷 針經一

卷 金李慶嗣著慶嗣洛陽人少舉進士不第退而學

醫讀素問諸書洞曉其義大德間歲大疫廣平尤甚貧

者往往闔門卧病慶嗣携藥與米分遺之全活者衆

難經集註五卷 金紀天錫著天錫字齊卿泰安人

至元增修本草 世祖至元二十一年命翰林承旨撒里



蠻翰林集賢大學士許國禎集諸路醫學教授增修

卓垣十書 李杲著杲鎮州人世以背雄鄉里幼好醫捐

千金從易州張元素學不數年盡傳其業學於傷寒癰

疽眼目病尤長療而愈者甚眾當時以神醫目之

活人總括醫學真經 楊士瀛著士瀛字登父懷安人精

通醫學所著又有直指方行於世

傷寒大易覽一編 葉如菴黃岡人以儒為醫所撰傷寒

大易覽一編為時所宗

原機啓微集 吳郡名世之醫倪維德病眼科雜出方論

竟無全書故著此又以李杲試効方若干卷錄梓傳世

丹溪纂要 丹溪心法 格致餘論 傷寒發揮 丹溪

醫按 滑澁經絡發揮 朱震亨著

太素脉訣 劉開嘗遊廬山遇異人授以太素脉訣預知

生死胗脉上以手指三點之即知其症世號劉三點

醫學管見 如臯何塘著

醫學舉要名醫錄二十餘種 楊文恪著

勿藥諸集 邵文莊著

古簡方 集諸方四十餘卷 蘭谿吳與德著

道家

老子疏 陳廷玉著

道德經註 吳宣著

老子解 葉夢得著

又趙善湘著老子解十卷



象罔白馬證 張游著

莊子註 荀子註 趙汝談著

陰符經註 陸佃著 又元時定州趙材卿亦著

太上感應篇註 李昌齡著

註老子道德經 晉江陳權著

讀莊筆記 馬廷鸞著

南華真經解 晉江黃訖著

老莊列口義 林希逸著

陰符經解 吳縣俞琰著

南華畧釋一卷 列子補註一卷 金趙秉文著

道德經解 湯建著

丹經十二方 宋潛溪曰劉真人思敬吉之青原人少好

長年術及長從靈寶陳君受丹砂訣行混元法又依訣

鍊鉛汞為丹砂服之者疾遂愈後傳弟子章希平等

總仙記一百四十卷 知黃州樂黃目集

集仙錄 徐夔莘著

獨指商 荆南仙女撰父王保義為荆南高從誨行軍司

馬生女不食肉五歲通黃庭等經及長夢渡水登山見

金銀宮闕云是方丈仙女十人中一人曰麻姑相結姊

妹授以琵琶數曲自是數夜一過歲餘得百餘曲其尤

者有獨指商以一指彈一曲復夢麻姑曰即當相邀明

日庭中有雲鶴音樂女奄然而卒



詆仙賦 宋祁著其自序曰予守壽春覽郡園得八公山  
故老爭言上有車轍馬跡是淮南王上宿之遺耕者往  
往得金馬丹砂所化可以療病因取班固書葛洪神仙  
二傳合而質之嗟乎人之好名而不責實也而洪又非  
愚無知者猶憑浮證偽况鄙人委巷語耶作詆仙賦

洞霄錄十卷 沙縣羅畸著

元道歌 趙自然撰

翠虛妙悟全集 陳楠字南木號翠虛得太乙刀圭金丹  
法訣於毘陵禪師得景霄大雷琅書於黎姥山神人每  
人求符水翠虛捨土付之病多愈故又呼爲陳泥丸人  
嘗於翠虛覓詩但自口縷縷而出皆成文理第不肯親

書有翠虛妙悟全集行世及作羅浮翠虛吟

悟真篇 張用誠越人一名端字平叔嘗入城都遇真人  
得金丹術歸以所得作秘訣八十一首號悟真篇已而  
仙去淳熙中嘗至其家

內丹書 遼聖宗統和八年于闐國張文寶所進

洞霄志 鄧牧著牧錢塘人道莊列諸書嘗居餘杭洞霄  
宮之超然館經月不出四方名勝以文字請者交至大  
德間無疾而逝

茅山誌 張伯雨著伯雨杭州人宋崇國文思公九成裔  
從方外學風裁凝峻工書善詩歌與吳興趙孟頫浦城  
楊載蜀郡虞集爲文字交嘗居茅山因自號句曲外史



王筍仙祖記實錄 謝修道著

道書按神契 吾衍著

參同契辯 田君祐著

神仙傳 李光著

中和集七卷 至元時李道純著道純字元素號清庵又

號瑩蟾子都梁人其集有玄門宗旨書前密意金丹秘

訣問答語錄全真活法及論說詩歌教外隱語道德會

元共七卷門人蔡志願編

丹經新註 王以道著以道自號三槐隱士嘗一日獨遊

洞庭之君山遇異人長髯碧瞳如古仙人授以龍虎金

丹碧經君受而行之氣志益冲壺因註此經行世

仙傳 永樂十七年 命侍臣輯

道餘錄 長洲姚廣孝著

佛家

吳越金書法華經二帙 未詳何人撰

釋氏秘記 僧灌頂著

釋氏詞旨 天台僧智者著

錢塘西湖淨社錄法華言句 僧省常著

青州百問一卷 元辯和尚青州人世稱青州辯和尚禪

教盛行北方二百餘年燕齊秦趙之間入是宗者皆其

後學此書皆其與覺和尚及林泉老人問答頌偈也

池陽百問 永嘉陳氏子懷義得法於雪竇在景德禪寺

續文獻通考



有百問行於世謂之池陽百問

王觀集 僧遵式著

宋高僧傳三十卷 三教聖賢事蹟一百卷 鷲嶺聖賢

錄內典集一百五十二卷 外學集四十九卷 贊寧

著寧德清人生於金鵝山嘗受詩訣於前進士龔林太

平興國三年太宗聞其名召對資福殿賜紫衣改號通

惠

閒居編五十一卷 智圓字無外錢塘徐氏八歲出家自

號中庸子居孤峰瑯琊寺與林逋為友以詩文自娛嘗

作十疏通經又雜著五十一卷題曰閒居編

釋明本著信心銘闡義解

一卷楞嚴經徵心辨見或問一卷金剛般若義一卷別

傳覺心一卷寒山詩一百首幻住家訓一篇山房夜話

二卷續集二卷語錄十卷別錄十卷總為三十卷

正法眼藏經三卷 奚宗杲著師少居寧國入山東惠雲

寺為苾芻與呂左丞張魏公張橫浦談辯出入儒釋排

闔不窮孝宗賜號大慧禪師

瑜伽文 羅漢文 彌陀文 永素著永素祁門人居柏

山院日誦華嚴經紹興間住嚴州烏龍山歲久回柏山

撰瑜伽文一日沐浴升堂說法作偈曰看不上面笑不

出唇淡軒之上獨對松雲呵呵有人若問西來意山僧

元是大朝人言訖而逝



御製華嚴經贊 遼道宗製成雍四年二月頒行

金佛梵覺經 遼回紇僧所撰

高麗佛經 遼太康十年高麗進命僧善智校讐頒行

西方父教 金李純甫晚年喜佛力探其奧義自類其文

凡論性理及關佛老二家者號內藁其餘應物文字為

外藁又解楞嚴金剛經數十萬言號西方父教

註金剛般若經 金張珣字仲仁以律學進尤善內典自

註此經

精語 王當陽元初遇異人能幻化之術後遊武當歸鄰

南平頂山建昇平道院修煉其中撰精語後端坐而化

天柱稿錄 宋景濂曰佛心慈濟妙辨太師大同著并

玄文句正觀三大部 增治助文法華涅槃二經講義

荆谿章安法智三祖禮文詩偈二編 宋景濂曰佛

鑑圓照論師必才所著述並行於世詩偈別傳

法華問答若干篇 法華隨品讚三十篇 辨正教門關

鍵錄若干卷 宋景濂曰僧善學所見著述咸有可觀

嘗與同學原澄以一乘同別之義更質疊難為法華問

答復因主修法華期歲撰法華隨品讚并有詩文並行

於世師號古庭善學其諱也

二會語四卷 宋景濂曰佛智弘辨禪師傑峯愚公著已

刊行叢林中

四教儀紀 正天岸外集 宋景濂曰普福法師弘濟字



天岸所著刊行於世又嘗覽諸家所著楞嚴經頌簡失當方將析衷其說為之疏解疾作而止

內外錄 僧孤峯德公著大司徒楚國文公歐陽玄為序

經山悅堂禪師四會語 悅堂禪師顏公著

禪林清規四會語錄 蒲堂集 僧大訢著

獨菴外集 浮屠獨菴禪師著

註解金剛經 僧無聰字汝水至元初資福寺無碍請註

註時有紫雲覆寺座下產靈芝

楞嚴經纂要註十卷 金剛方語集解 華嚴心鏡二卷

玄談輔翼八卷 外集三卷 妙觀和尚著諱定字

如觀

求寧四會語 求寧和尚著

禪林類聚 維揚雍熙寺主僧來峯泰編釋求寧曰此古

人糟粕耳點檢何為

重刻傳法正宗記十二卷 宋景濂曰宋明教大師契嵩

博採三藏記洎諸家紀載釋迦為表三十三祖為傳持

法一千三百四人為分家畧傳而旁出宗證繼焉名曰

傳法正宗記復盡佛祖相承之像明其世系名曰定祖

圖申述禪經及西域諸師為證以闢學者之妄名曰正

宗論其衛道之嚴凜凜乎不可犯也甬東祖杲禪師以

誠篤契道恐法輪不運合眾緣重刻以傳

重刊夾註輔教編 宋景濂曰宋大士曰鐔津嵩禪師以

續文獻通考

三



二氏末流之弊或不相能取諸書會而同之曰原教曰廣原教曰勸書曰孝論而壇經贊輔馬復恐人不悉其意自註釋之名為輔教編若禪師者可謂攝萬理於一心矣後虛白杲公重刻是編有功學者甚大

重刻寂照四會語 宋景濂曰寂照和尚元叟端公既示寂蜀郡虞文靖公為序其四會語矣茲其入室弟子清泰子榘金山慧明天寧祖闡復以舊所錄先師語不幸燬於兵竊懼不傳故命印生重雕而屬予序之

重刻護法論 衢州天寧住持端文曰論凡一萬二千三百二十五言相傳宋觀文殿大學士太保張天覺所撰兵火之餘板久不存復令印生刻之

千巖禪師語錄 宋景濂曰禪師在時其弟子嗣詔嘗以其語缺梓以傳後經兵火皆為灰燼茲一菴隣上人以舊本重刻其數宣大法如雲雷迭興而九龍噴雨如太醫製藥隨症而愈疾如摩醯三眼光明洞照而無不至西岳集二十卷 蘭谿僧黃休著

神僧傳 宋樂間 命侍臣輯  
資持記 濟緣記 行宗記 應法記 報恩記 刪定  
尼戒本 金剛疏 錢塘僧元照著

金室集 臨海僧宗泐著  
心經註 金剛經註 楞伽經註 俱宗泐奉詔註  
蒲菴集 豐城僧來復著



語錄 長安僧順詳師著

血書五大部經一百十三卷 華嚴合論 太原僧昌海

校正

五臺清涼傳 本宗二百問 僧昌海著

義金僧註經文 勝嚴集 水六儀文六卷 俱太原僧

義金著

天台四教儀 天台智者作王世貞序

禪藻集 禪林鈎玄 楊慎著

逃虛子 石城霞外集 少師姚廣孝著廣孝長洲人

藝術

琴譜 石孝隆著

史 朱長文著

全箋 崔遵度著遵度江陵人與物無競淳淡清素於勢

如也善於鼓琴嘗著琴箋行世

硯纂 楊奐集

通玄集 清遠集 幽玄集 機深集 增廣通遠集

玄玄集 已上俱係棋譜未詳所撰

聽玄集 造玄集 吾衍著衍太末人通聲音律呂之學

衍又集古印文二卷

宣和譜四卷 未詳所撰

爛柯集 毛友誠著

勾股機要 金楊雲翼著



復齋印譜 元王厚之集

古印譜一卷 顏叔夜集

集古印譜一卷 姜夔集

印史二卷 趙孟頫著又著琴原樂原得律呂不傳之妙

圖書譜一卷 楊克一著又名集古印格

畫鑒一卷 東楚湯垕著論歷代名畫悉有依據

集古印譜 濮陽吳孟思著

補奕譜 廬陵嚴德甫善奕初集奕法爲書晏文可又以

家藏諸譜增益之

九歌圖一卷 李伯時所作吳澄序云伯時妙絕一世而

或傳此畫若有神助蓋其尤得意者

四皓圖一卷 宋景濂曰所謂四皓者叅見史記則東園

公綺里季夏黃公角里先生是也初不知其姓名按陳

留志東園公姓唐名秉字宣明居園中因以爲號夏黃

公姓崔名廣字少通齊人隱居夏里修道角里姓周名

術字元道河內軹人孔父秘記又作祿里綺里季或曰

姓氏書云綺里姓季其字也畢士安則謂綺里季夏爲

一人黃公別是一人其說尤異據漢惠帝時所刻四皓

神座一曰園公二曰綺里季三曰夏黃公四曰角里先

生惠帝去四皓不遠足以證士安之謬矣偶題此圖遂

牽連而書之畫之工拙未暇論也



續文獻通考卷之一百七十九終

二十四 二百二十七

新皇一曰國公二曰高里季三曰景黃公四曰百里  
一人黃公限是二人其清大異其意亦謂其後四  
我大書云餘里教奉其意也學士安明兩縣里李夏  
許字云處內鄉人其父鍾者又許新里餘里李夏曰  
公教對古詩于少微補入劉君夏里劉進育聖教風  
留志東國公教書古乘字官所無國中因以然然其黃  
公餘里李夏黃公自里求主是也其不似其教公其  
四部圖一券 宋景氣曰汝陽四部書 吳安時限東國

續文獻通考卷之一百八十

皇明進士雲間王圻纂輯

經籍考 集上

宋

東觀集十卷 羅處約著處約益州華陽人太宗時舉進士初知吳縣後召直史館

郭贇集三十卷 郭贇字仲儀襄邑人屬文敏速乾德中舉進士仕終禮部尚書卒贈左僕射謚文懿

廖執象文集五十卷 執象順昌人陳搏謂曰子謫仙人也恐塵世不能久留果早卒

奉常集五卷 秘閣集五十卷 和峴著

續文獻通考

卷之一百八十

三百三十



雲溪集十卷 順昌廖曉著

瑯琊集 王言徹著言徹字子昭晉江人端拱中進士所  
至州縣人皆立生祠

愚谷集 銀臺集 盛度著度餘杭人端拱初進士歷官  
翰林學士叅知政事知樞密院事卒謚文肅

鄭文寶集三十卷 文寶字伯玉寧化人太平興國中進  
士官至工部侍郎

陳絳文集十二卷 絳蒲田人咸平中進士甲科再試賢  
良第一除右正言歷司諫初居舍人凡十年以工部郎  
中知福州左遷藤州通判

金龜子文集十五卷 陳漸著漸堯叟從子少以文學知  
名太宗時嘗與父堯封同廷試中第辭不就願擢其

從之後累官耀州節度推官自號金龜子因以名集

雉山集二十卷 方仲謀著仲謀青溪人嘉祐中進士累  
官殿中丞工于詩

張師德文集十卷 師德去華之子真宗時父子皆中狀  
元其父集岳珂為校正

瀛海殘編十卷 權邦彥著邦彥河間人崇寧中上舍登  
第累官簽書樞密院事嘗獻十議以圖中興尋無權叅  
知政事

章安集 楊蟠著蟠臨海人舉進士歐陽修稱其詩蘇軾  
知杭州蟠通判州事與軾倡和居多



楊煥文集三十卷 宦遊集十卷 楊煥字元暉浦城人

崇寧中進士仕終知蘄州

烏山三賢集 鄭伯玉字寶臣莆田人登第為大理司直

韓琦薦充殿中侍御史郡人以其錦囊集與陳其方孝

寧詩類聚為一號烏山三賢集

明善集居陽集各三十卷 劉彛著彛淮安人幼從胡瑗

學善治水第進士官至都水丞

河南邵氏集 邵伯溫著

草堂集一百卷 李炳著炳濟州任城人崇寧中進士累

官翰林學士

葵亭集 呂正獻公倅穎日作亭後圃曰葵亭因以名集

瑞麟集 彭大益著大益攸縣人登元佑三年鄉薦為大

學博士以議論不合致仕居司空山條然有物外意

雲林子文集五十卷 黃伯思著伯思字履孫邵武人元

符中進士為秘書郎縱觀冊府藏書至忘寢食自六經

至子史百家無不精詣頗好道自號雲林子遂以名

雙溪漫叟集二十卷 松窓撫遺十二卷 張豸著豸字

正仲浦城人大觀中進士

葉常文集五十卷 葉常著常字權之浦城人紹聖中進

士知河中府常喜作詩

壁水集十五卷 周固著固字無可浦城人崇寧中釋褐

何通判文集二十卷 脩論四卷 何去非著去非字正



通浦城人元豐中對策論用兵之要擢高等除武學教諭仕終廬州通判

李之儀文集二十卷 之儀趙州人工于尺牘蘇軾以為得發遣三昧自號古溪老農

荀里退居編 蘇州范正平著

白雲集八卷 將樂廖正一著正一元豐進士入元祐黨

自號竹林居士

畢集十卷 姚易著易字夢錫浦城人元豐中進士

葉氏文集 葉清臣著

孫公文集 孫沔著

舒亶著亶字信道郵人為龍圖閣待制

滕康文集二十卷 康應天府宋城人崇寧中進士

范忠宣公文集五十卷 蘇州范純仁著

李師正文集十卷 李規字師正松溪人元豐中進士居

官有幹才仕終朝議大夫

周彥廉文集二十卷 承宣集一卷 明天集一卷 周

錡著錡字彥廉郵人元豐二年進士調桐城尉辭不赴

清溪集二十卷 汴人李璆著璆政和中進士累官四川

安撫制置使有惠政可紀

錢公文集 錢易著

林特進文集二十卷 林保著保字庇民郵人登政和二

年上舍第紹興中以敷文閣待制奉祠



道山集三十卷 沙縣羅畸著

西征隨筆集 趙彥柅著

丁氏文集 丁注著

正齋集 洪咨夔著

還庵集 陳炳著

教忠堂集 劉寧止著

滄浪集 嚴羽著羽字丹丘邵武人有才名所著詩辯議

論深到自號滄浪逋客因以名

新豐集 徐九思著九思字公謹崇安人登進士第與王

安石不合坐廢

杭州集二十卷 李深著深字叔平光澤人熙寧進士入

元以黨籍

清虛先生文集 洛縣王鞏著鞏字定國素之子旦之孫

劉顯文集數十卷 顯吉水人舉進士為廣祿主簿顯于

曾布為甥婿而布當國時未嘗私見

羅仲素文集十八卷 沙縣曾道振編次

梅谷文集 宋翔著

桐山文集 王之道著之道無為人宜和間舉進士與兄

之義之深同科名其堂曰三桂

臨漢隱居集二十卷 東軒筆錄十五卷 魏泰著泰衮

陽人善文章崇觀間章惇欲官之竟拂袖還家

東漢集 淳浦高登著登宣和中為太學生與陳東乞誅



六賊後觸怒秦檜編管容州

雲海敝帚五十卷 宋之才著之才未嘉人從楊龜山學

得程氏正脉性恬靜操潔白自號雲海居士

無相居士文集 陳楠著楠平陽人政和初進士累官太

常少卿權禮部侍郎寬洪蘊籍以誠接物而惟于榮利

自號無相居士

硯岡居士集 唐稷著稷雩都人政和間進士授樞密院

編修官自號硯岡居士因以名集

歸愚集 順昌吳致堯著致堯政和進士除安化令以事

忙當路去官

勤王忠義集 胡閔休著閔休開封人嘗著兵書二卷講

康中應知兵科中優等補承信郎後從岳飛討賊湖湘

進成忠郎

玉峯集二十卷 楊公度著公度字元宏建寧人政和中

登第趙弼嘗薦其才而不肯見秦檜竟中止

翁彥約文集十卷 彥約字行簡崇安人初以免解進士

應詔進格言二十篇政和中第進士知高郵軍

環溪藁 吳沆著沆崇仁人政和間獻書于朝不用歸隱

環溪以此名集

許尹文集數十卷 尹樂平人政和進士歷高孝皆盡忠

款以敷文閣待制致仕

向伯奮時論十卷 奏稿二卷 詩十卷 伯奮樂平人



孝宗時戶部侍郎

翁五峯詩文集二十卷 翁挺字士挺崇安人號五峯居士李綱稱其文雄深雅健淵源浩博詩凌厲奮發絕去筆墨畦徑

穎鳴集十卷 奏議十卷 沙縣曹輔著輔子論度支郎中以詩名有約菴集行世

柝欄集二十五卷 鄧肅著肅字志宏沙縣人嘗疏留李綱不宜罷相後在諫垣不三月凡二十疏皆切直

焦桐集 鄧祚著祚字成材沙縣人建炎進士安撫江西盜賊勦蕩尋以疾請祠

聘遊集 朱弁著弁婺源人弱冠入太學建炎初議遣使問安兩宮弁奮身自獻至雲中見粘罕言用兵講和利害甚悉而守節不屈後和議成得歸轉奉議郎集名聘遊皆其往來時所撰也

無旁集一編 歐陽士著字彥成建陽人建炎中一舉不第上書論事宰相以為狂編管洪州後得還徜徉山水預知將死之期

廖天覺魚山集十卷 天覺順昌人紹聖進士有惠政在餘姚縣無愧古循吏後以朝請大夫致仕

鄧甯七峯集十卷 甯字仲吉沙縣人熙寧進士工詩文龍溪文集 汪藻著藻婺源人崇寧初進士紹興初為翰林學士晚年好詩文自號龍溪因以名集

續文獻通考卷之二



王泉集 儲惇敘著惇敘字彥倫晉江人崇寧中進士歷官三十年屋不增椽田不增畝

龍山文集 余良弼著良弼字岩起順昌人建炎中登第晚直秘閣致仕聚書萬卷自爲序以教子孫

臨淮集十卷 李植著植泗州臨淮人幼明敏篤學靖康初補迪功郎累官戶部員外以寶文閣學士致仕

龍雲集三十卷 劉弁著弁安福人兒時警敏日誦萬餘言元豐初進士爲文剴別瑕類卓絕不凡

松隱集二十卷 卞大亨著大亨字嘉甫其先泰州人靖康中調懷寧簿隱居象山自號松隱居士取其號名集

吳門集二十卷 蔣堂著堂宜興人舉進士爲監察御史累遷禮部侍郎致仕

薛舜俞文集三百餘卷 舜俞字欽甫同安人紹興中登第晚年學問益淹貫里居教授門人多通顯者

冰壺集 李長庚著長庚寧遠人紹興進士第歷仕五十年廉潔有守號其讀書之所曰冰壺遂名其集

退庵文集 吳淵著淵柔勝子苦志力學嘉定中進士累官端明殿學士所著又有易解奏議

藍溪集 陳若冲著若冲字德用永福人以經學詞章爲趙鼎輩所知

紫微集 王鑑著鑑池州人爲中書舍人善詩書知非集 精金訓鑒 童蒙記共八十卷 童蒙著楠貴



池人調鄱陽尉後為績溪令

涎溪集 丁黼著

於山集 高安胡希是著為文有西漢風

柘岡文集 新昌羅大酉著

菱溪集野議十篇 惠安謝文龍著嘗獻趙鼎厚遇之

耘廬集 安成劉應登著

省齋文藁 晉江蘇思恭著

青丘集二十卷 練定著定字公權浦城人第進士忤時

相終廣東提刑

趙青山文集 廬陵趙文著

泉山集三十卷 陳從易著

石亘文集十卷 亘出處見前

忠嘉集 豐縣宋汝為著汝為議秦檜和金之非檜將械

汝為送金汝為變姓名為趙復徒步入蜀青城山而卒

王淵集 泰和劉子澄著

拙菴文集四卷 晉江郭咸著

德音類稿三卷集錄十卷 清江黃祈著祈博學以能賦

稱

鷄肋集 哀長吉著長吉字叔巽崇安人嘉定中進士博

覽善文樂安何霖亦有鷄肋集

唐子文集 唐仲友著

馬氏文集 馬之純著

續文獻通考 卷之二百八十



今是堂稿 邵困著

大中集 林文集共二十四卷 葛洪著

陳氏集二十卷 陳黼著

飲水文集 王慶之著

石室文集 林一龍著

雲林癡菴集 林千之著

季氏文集 季陵著

沈氏文集 沈造著

良峯集 蔣思庸著

包公文集 包文舉著

東蒙集 周景辰著

文山集 王廉著

蘭谷集 葉學韻著

平山文集 陳顯著

曹粹中文集 曹粹中著

房山文集三十卷 魏杞著杞郵人乾道右僕射謚文節

北山漫遊集十卷 魏杞著二十卷 劉用行著用行字聖與

晉江人登嘉定戊辰第遇事有執詩文典雅

西陂集四十卷 都昌黃灝著

童泉集 玉山趙蕃著

陳洽遺稿數十卷 洽字澤南同安人真德秀薦洽文章

根義理政事出慈祥未召卒官終廣州通判



鶴心集 安仁陳牽著

寄菴集 晉江趙鞏之著

湯先生文集六十卷 安仁湯漢著

雲麓集 留元剛著元剛字潛茂晉江人開禧二年試博

學宏詞科早負盛名已乃爵爵不適築圃北山號雲麓

朱公文集奏議 浮梁吏部尚書朱龜孫著

王堂稿 樂平禮部侍郎洪芹著

唐山存稿 直寶章閣浮梁李雷奮著

適情小稿 逸民自得 進賢趙若煥著

徐博士雜著 武學博士徐思立著藏于家有詩議刊于

臨江郡庠

山集 右丞相兼樞密使章鑑著

泉谷集 歷官對越集 豐城徐鹿卿著

皮龍榮文集三十卷 龍榮醴陵人淳祐進士拜參知政

事嘗對言一過改一善著百過改百善融理宗深嘉之

蘄春集一卷 聶冠卿著冠卿歙州新安人舉進士累官

翰林學士嗜學好古尤工于詩

朴菴外集 史彌大著有朴語二篇世家二篇及鏡庵叢

書朴齋外集若干卷

獨善先生集 史彌鞏著

斛岑集 李伯玉著伯玉字純甫餘干人端平二年進士

第二官至禮部尚書



荆溪集 吳子良著

篆畦稿 蝶軒稿 竹梧里稿 舒岳祥著岳祥天台人

以文學師表一代奉化戴表元嘗受學焉

紫岩稿十餘卷 周潤祖著浙人

陳氏文集 陳良翰著

石子文集 石子重著

湖南先生集 杜燁著

委羽集 左緯著

周子文集 周升著

王子文集 王及著

箕恣總集 陳著卿著

清獻集 杜範著

杜氏集 杜光庭著

徐氏遺稿五十卷 徐霖著

鄭氏文集 鄭升之著

叢脞集 鄒補之著

須江集 劉敏士著

劉氏文集 劉觀德著

華陽集 盧表著

宜拙平心集 福安王士奇著

屏山文集二十卷 劉子翬著

玉堂集 汪叔達著叔達黔人嗜學至老不倦第進士典



湖州學累官華文閣直學士

恕齋集 汪綱著綱勃曾孫以祖任入官理宗朝累官戶

部侍郎致仕綱學有本原多聞博記機神明銳遇事立

決尤良于論事所著又有左帑志漫存錄

詹新豐文集二十卷 詹造著造字應之崇安人安貧守

道訓迪後進為文援筆立就人以為腹藁晚為新豐尉

訥齋集 程元鳳著元鳳歙縣人紹定中禮部第一歷監

察御史右正言無侍講御書清忠儒碩昭光六字褒之

洛水集 程琚著琚休寧人紹熙中進士拜翰林學士立

朝剛正風裁凜然

雲陵集二十餘卷 倪濤著濤廣德人總角能屬文博學

強記十五遊太學試第一太觀初舉進士

補過齋拙稿 劉章著

周子文集 周彥質著

江公文集 江少虞著

金川集 江越著

江氏遺稿 江褒著

兩山塗稿 徐汝一著

周子文集 周頴著

清高集 祝常著

徐氏文集 徐大受著

南明集 呂炳南著



齊山集 林景熙著

桐川集十卷 沈虛中著廣德人舉進士歷官吏部尚書

清閔集三十卷 周承勛著廣德人博學能文舉進士

狂簡集百卷 雅書三卷 志苑三卷 萬適著適陳州

死丘人自號遣玄子喜學問精于老子書不求仕進

論思集十卷 文集二十卷 何中立著中立長社人幼

警邁頗以文辭自喜進士及第累官樞密直學士

遂初小藁六十卷 尤袤著前考有梁溪集五十卷恐即

遂初小藁也姑兩存之

宣城雙溪集 魯冠著冠東陽人博學強記紹興間進士

遷太常博士

聊復軒藁二十餘卷 毛直方著

香山集 喻良能著良能義烏人累官至太常寺

王溪集 王寔著寔東陽人少有奇氣嘉定間中武舉異

等最立戰功

肯堂集 李仲光著仲光字景溫崇安人開熙初進士甲

科以才忌不遇放情山水寓意花木

孔山文集 喬行簡著

是齋集 王信著信麗水人紹興末進士累官給事中遷

煥章閣待制

東谷集 鄭汝諧著汝諧青田人累官至信州刺史自號

東谷居士



薛元鼎詩文講義二十卷 元鼎字叔雲興化人紹興進士孝宗以直諫多聞褒之

觀省雜著三十卷 奉化胡誼著觀省其號也因名集

山林思古錄 俞宗亨著宗亨山陰人知漳州

覺是集 林泉生著出處見前

適齋存稿 汪大猷著大猷郵人紹興中進士為吏部侍

郎兼權尚書所著又有備忘訓鑑等書

林朝老遺藁二十卷 莆田方之太輯之太朝老外甥也

李微之詩文集一百卷 井研李心傳著

安晚集六十卷 鄭清之著郵人從樓昉學嘉定中進士

理宗潛邸教授四登相位端平間召用正人多清之力

樂天集十卷

陳英著英字義叟號存齋寧德人博通經

史以所學淑人執經北面者半青紫

翠樾集

張安修著安修字孟監寧德人嘗領漕舉以子

文虎登第引年賜承務郎

洞齋集

莆田方澄孫著

方岩集

王居安著居安黃岩人幼有異質淳熙中舉進

士為右司諫宅心空明待物不二

梅塢集

林學蒙著學蒙字正卿永福人從朱文公學鄉

人皆尊師之

西溪文集八十卷

卓立者立字志道福清人

龍門集紀夢集

陳寬著寬福清人嘗寓龍門有龍門集

續文獻通考

卷之二百八

五

三百四共



後入蜀有紀夢集

龍山集 福清黃銳著

克齋董正翁集 董楷著楷臨海人為績溪簿遷知洪洲

有惠政官至吏部郎中

若存文集 林文之著

愛梅集 余發林著發林字希董古田人舉進士授崇安

縣尉為文操筆立就及卒門人集其文號愛梅集

虛齋文集 鄧林著林字楚材福清人年十五以詩義冠

鄉校朱熹呂祖謙皆與之遊

觀堂集 合江劉望之著望之紹興間進士官秘書省正

字宰相沈該以無塵埃氣薦之

羅浮集十卷 陳鵬飛著鵬飛永嘉人紹興中進士其學

不為章句新說必本人倫正論

澹軒集十二卷 光澤李 賓老著

易菴文集 陳謙著

東野居士集四十卷 徐詡著詡字元敏浦城人紹興中

第進士歷官有善政

霜厓集 侯昂著昂樂清人三貢于鄉兩試轉運使皆第

一以武舉授合清尉

竹溪稿 林希逸著出處見前

蒙川集 問梅集 詩銘集 劉黼著黼樂清人以太學

生上書言朝廷進退大臣當以禮忤執政送南安軍



得聞文集 吳曾著曾崇仁人高宗時獻所著書累官吏部侍郎奉祠平生苦學為文奇偉

梭山文集 陸九韶著九韶金谿人其學淵粹畫之言行夜必書之自號梭山老圃集因之名

南唐稿 鄒斌著斌臨川人博記敏識見陸九淵問平日何學以求放心對一語便契合

畏齋文集奏議六十卷 醴陵吳獵著獵從張栻朱熹學謚文定廟祀于蜀

蟾塘文集 危和著和臨川人淳熙中進士以詩名異齋集 危植著植字逢吉和之兄淳熙中進士歷屯田

郎官後請祠歸與鄉老為真率會

論本集

李復著復字履中閩人集中論孟子養氣動必

由理故仰不愧俯不忤無憂無懼其氣自充故曰是集義所生者舍是則明有人非幽有鬼責自歛於中氣為之喪矣故曰無是餒也朱文公謂此語雖踈然得其大旨

愚谷集十五卷 歷代史年表二十卷 張綬著綬清江

人紹興末舉進士

曾幾集五十卷 幾贛州人開之弟以秦檜怒開幾亦罷

為文純正

柘溪居士集 劉才邵著才邵廬陵人鶚之後紹興中累官中書舍人無權直學士院高宗稱其文



文溪集六十五卷 陳仲微著嘉熙進士自號遂初老人  
曲轅散木集 寄懷斐稿 陳宗理著宗理字立之南豐  
人淳祐四年進士官參知政事

盧溪集 王廷珪著

須溪文集百卷 劉辰翁著辰翁廬陵人少舉進士宋季

亂遂隱居求道

松垣集 辛元龍著元龍高安人嘉泰初進士通判鄂州

上書雪濟邸之冤忤史彌遠屏棄而卒

雪坡集 姚勉著勉高安人少穎敏寶祐初以詞賦擢第

廷對萬言理宗親擢第一尋除校書郎兼太子舍人

魁技集 孟浩著浩宜春人乾道間知武寧縣有聲官至

直秘閣

白雲編二十卷 文集十卷 陳炳著炳贛縣人結廬峒

山躬耕求志與學者琢磨俱成

荆臺集 孫光憲著光憲陵州貴平人少好學遊荆渚博

通經史聚書數千卷校讎不倦自號寶光子

漁溪後集 胡仔著

三江集三卷 鄧至著至雙流人通六經學者從之甚衆

棲雲集三十卷 趙逵著資州人一目數行好聚古書考

歷代治亂之迹紹興對策擢第一文似蘇軾稱小東坡

後溪集 劉光祖著光祖簡州陽安人登進士第光宗時

為殿中侍御史



虞忠肅集數十卷 虞允文著允文隆州仁壽人謚忠肅  
出將入相垂二十年有詩文奏議數十卷

桃溪集百卷 李藪著藪字崇慶晉源人登進士為隆州  
推官遷太常少卿講學臨政皆有源委

月林醜鏡集 曾逢震著震字誠叟閩縣人與鄭性之俱  
從朱文公學洞見道體耻為場屋之文隱居道山觀書

自怡家事有無不問也自編錄其詩文曰月林醜鏡集  
存齋集 牟子才著

克齋文集 余偶著偶字占之古田人從學朱文公與林  
用中齊名

丹淵集四十卷 文同著同梓潼人以學名世操行高潔

善詩文篆隸行草飛白舉進士遷太常博士集賢校理

朱景文文集四十卷 景文靖江人乾道間進士讀書過  
目不忘為文頃刻立就

方山集四卷 嚴大猷著閩州蒼溪人以特奏名授隆慶  
府司理參軍

廬江集七十卷 何涉著涉南充人讀書刻苦自六經百  
家無所不學一過目終身不忘舉進士累官知合州

緣督集 曾幼度著幼度樂安人乾道進士仕至太守以  
文章名

晶然集 安丙著安丙渠江人淳熙間進士知大安軍吳  
曦叛丙設策誅之進資政殿大學士四川制置使



黃泰之文集 黃定字泰之永福人乾道中進士第二

塵缶文集 程公許著字季與宣化人嘉定中進士應詔

言事抗直有聲官至刑部尚書寶章閣學士知隆興府

縉雲集 馮時行著時行巴縣人紹興初召對以斥和議

除知萬州秦檜諷使者撻拾其罪坐廢

性善堂文集 度正著正合州人紹興初進士早從朱文

公誨以正心誠意之學官國子監丞遷禮部侍郎致仕

三江集 王汲著汲通州人嘉祐中嘗作天將以夫子為

木鐸賦士以為矜式因呼為王木鐸後舉進士官至梓

州通判多政聲

木鐘集 陳直著直永嘉人從學朱文公稱潛室先生

王文貫詩文五十卷 王宗道著

鶴林集 吳泳著泳中江人嘉定進士歷官著作郎屢抗

疏直言遷寶章閣學士

橘州文集 姚希得著希得潼州人嘉定進士累官叅知

政事忠貞清儉好引用善類

玉臺集 王賞著賞當之弟舉進士累官禮部侍郎兼直

學士為文師蘇軾

鴈湖集一百卷消塵錄三卷接毫錄八十卷臨汝閒書五

十卷 李壁著壁日誦萬餘言舉進士為正字寧宗時

累官叅知政事文學德望轟震一時

亭山文集 李丑父著丑父字良翁莆田人端平初登第



遷諸王宮教授坐忤丁大全奉祠

悅齋集 李稟著稟舉進士入為館職文聲赫然

崇道集 楊棟著棟紹定二年進士第一為宗正少卿累

官禮部尚書棟之學本諸周程負海內重望

見山文集 楊文仲著棟從子邃于春秋淳祐間入太學

兩試皆第一寶祐中登進士官太常丞兼崇政殿說書

存著齋文集 高定子著定子蒲江人博通六經嘉泰初

進士累官端明殿學士兼叅知政事又著北門類稿

耻堂集 高斯得著斯得少從季坤臣學坤臣瞽斯得左

右扶持之紹定初進士累官翰林學士

蒙谷集 林夔孫著夔孫古田人朱熹高弟

盤澗集 程若中著若中古田人朱熹門人

象山集 陽從易著從易晉江人第進士好學強記

漫塘集 劉宰著宰金壇人紹熙進士理宗以為籍田令

遷太常丞知寧國府皆不就隱處三十年于書無所不

讀 陽巖文集 洪天錫著天錫寶慶末進士累官端明殿學

士言動有準繩

湖山集別集 當塗小集 吳芾著

香溪文集 范浚著

牟隆山集 牟應龍著

箬溪集 翠微集 華質著



張君文集 張光著

類稿 著溪集 劉正著

遺一文 劉陶著

沈氏文集雜著 沈該著

北征集 俞烈著

行莖集 葉時著

山村集 仇遠著

何先生文集 何基著

朝華集 王栢著

善願集 愚齋雜著 山堂集 賈廷佐著

弘山集 喬行簡著

黃氏文集 黃夢炎著

西峴類藁 喬夢符著

東溪集二十卷 黃亢著 亢浦城人 少奇穎過人 雖侏儒

野率如不能言 然嗜學強記 文詞奇偉

東山集十卷 吳激著 激甌寧人 舉進士 知蘇州 累官龍

圖閣直學士

槎溪集 廖德明著 德明順昌人 少學釋氏 得楊時書 讀

之大悟 遂受學 朱熹 乾道中 第進士 遷吏部郎官

梅壑集 長溪鄭君老著 君老十歲能詩 十二能綴文 十

六領鄉薦 首十七登進士

知稼翁集 黃公度著 公度莆田人 紹興八年進士 第一



官至考功員外郎工詩能文

壺山集七十卷 徐師仁著師仁字存聖莆田人七歲外

祖問霍光何以不學對曰伊尹放太甲而霍光不知非

不學而何後登第為校書郎終著作郎

後村文集 劉克莊著克莊淳熙中進士生有異質日誦

萬言為文援筆立就為龍圖閣直學士真德秀以學貫

古今文追騷雅薦之

筆峯集五卷 方醇道著醇道字温叟興化人

鶴山文集 邛州魏了翁著

墨莊文集 張泳著泳字潛夫福安人慶元初試天下之

言性論有司讀其文驚喜以為壓倒湯屋策問偽與

抵排異端力主朱文公正學之傳有司賢之號省齋先生

者稱為墨莊先生 曜軒集二十卷 王邁著邁仙遊人嘉定中進士為秘書

正字

省齋集 龍溪吳獬著陳知柔稱其貌古心古學古文古

閉戶著書不在子雲下

頤齋遺稿 劉季裴字少度福安人紹興中進士所著文

有論孟周易解等書

城山集 陳元老著元老福安人學者稱城山先生

李南昌文集三十卷 李誼著誼南昌人嘗極論秦檜講

和之非累官工部尚書資政殿大學士



鳳山集 姚瀛著瀛字子山福安人隆興進士

臺溪集 何稿著稿父之子邵武人

鳴和集 寧德李鑑汝明著鑑嘉定中進士從黃幹楊復

遊得聞敬義之旨

春山文集 危昭德著昭德邵武人寶祐進士嘗為崇政

殿說書以易春秋之學衍義進講反覆規正甚多 徐

霖字景說西安人年十四存心聖道淳祐四年禮部第

一官至工部侍郎所著亦有春山文集

任山晉溪集 山平晉人有大志不仕嘗法春秋作通紀

擬井田作中田圖

蔣之奇文集百餘卷 之奇宜興人

徹齋文集 陶崇著崇全州人嘉定中進士理宗在潛邸

時崇為講讀官及即位被召首陳保業謹微慎獨持久

之說擢知信州卒贈特進謚文肅

盤隱集 林湜著湜字正甫長溪人紹興末進士官至司

農卿直寶文閣

金安節文集二十卷 安節休寧人嘗拒秦檜孤立無助

遠庵集 方士繇著士繇字伯謨莆田人其為詩溫潤嘗

勸朱熹少著書以熹教人讀集註為未然

李嘉言文集二十卷 嘉言廣德人隆興初進士

草堂文集 方秉白著秉白號草堂莆田人孝宗朝憲臣

以孝廉薦不起



胖軒錄 黃時著時字景仁寧德人開禧初登進士第累官知德慶州文章政事皆有聲于時所著詩文名胖軒又嘗撿取言行可鑑者百餘條目曰褪身錄

文公文集一百五十卷 莆田黃士毅次撰

默齋集 寧德陳汝玉著 郵縣王應鳳亦有默齋稿

及泉書十卷 莆田黃君俞著

浩齋稿三卷 長溪孫龍坡著

澹軒類稿 艾謙著

王坡集 邵景之著景之字季山長樂人清之子也受業

于籍溪胡憲之門官止莆田令

松谿集 豐城范瓚著

竹坡集 豐城黃疇巖著

東謀集 王資深著又著周書及方言

楊氏文集二十餘卷 楊傑撰

榮遇集 王彥成撰

智仁堂藁十卷 熊節著

幔亭遺藁 詹師文著師文字叔簡崇安人慶元中第進


士居官有理獄平寇之功

忠嘉集 宋汝為著

強紀集八卷 永福黃邦俊著

草堂集 林用中着用中字擇之古田人從朱文公學文

公稱其晦外而明于內樸外而敏于中





審是集 高齋文集 陳舜申著

安德裕集四十卷 安德裕著

趙文定集五十卷 趙安仁著謚文定

橫州文集 陳一德著

可齋覆瓿藁二十卷 陳愷著愷字子爽嘉興人

釣月臺耕雲堂集 王南美著南美新化人宋開國勳臣

王溥之後隱居伊溪桂巖博通經史尤長于易

宋野遺民集 練來著

天隱集 繆圭一著

南記錙林藏雲山相鋤諸編 張山翁著山翁字君壽景

定三年進士德祐元年為荆湖宣撫司幹官為元所執

不屈元人義之債不殺後居黃鵠山聚徒教授而終

山居藁 高安劉元高著

西甌文集 葉夢鸞著

松壑集 童成大著成大字元偉甌寧人宋季優游林泉

不求仕進謝枋得兵敗入閩成大首往訪之

四如文藁 莆田黃仲元著仲元字善甫始號四如先生

咸淳中登第陸秀夫薦充益王府撰述官除武學教諭

太常博士兼閩廣宣撫司機宜收國子主簿兼福建招

捕司參議皆不就宋亡改其名字曰淵天叟又改其四

如之號而以韻卿贅翁彥安為稱

疊山文集 弋陽謝枋得著



文文山文集 文天祥著號文山因以名集

正一齋集 黃森著森字水心旣寧人宋亡不復仕自愧

不能如夷齊

中淵文集 分宜易克著

廬江集十卷 浦城何述著

黃德潤文集奏議八十五卷 黃洽字德潤侯官人嘗言

居家不欺妻仕不欺君仰不欺天俯不欺人幽不欺鬼

神何用求福報哉官至資政殿大學士

浩堂類藁 翁甫著甫孝宗時人

丹山文集 翁合著合崇安人登進士第歷管內外有聲

景定中為侍講

趙善湘詩文集百卷 善湘宋宗室

日湖遺藁五十卷 鄭昭先著昭先字景紹閩縣人遊朱

文公之門官至樞密院兼參知政事謚文靖

陳德豫文稿三十卷 德豫字子順連江人淳熙中登進

士乙榜歲早求言德豫上封事以諱天變諱人言為致

早之由乞去二諱以回天變上嘉納之官至大理卿

敖臞庵集 敖陶孫著字器之福清人為文援筆立就

徐學士文集二十卷 浦城徐鳳著

俞成熙文集十卷 成熙閩縣人性尚疑簡操履純潔鄉

邦稱為長者

黃莊定遺文十五卷 黃舜祖謚莊定



剡源集 戴表元著表元奉化州人七歲能屬文咸淳中

進士為建寧教授學博而才瞻以文章大家名重東南

本堂集五十九卷 陳著撰著字子微德剛子別號本堂

登文天祥榜進士咸淳中通判臨安後隱居四明奉川

湖山汗漫集 趙孟澗著孟澗浙人

天慵先生集三十卷 豫章熊朋來著

吾汶藁 王鼎翁著鼎翁字炎午安福人號梅邊為上舍

生會文天祥舉義兵杖策謁見後有生祭文丞相文

蠟臺藁 汪灝著灝字季夷奉化黃甘里人父懋卿與弟

森卿並因宋革不仕杜門著書

泰甘甲乙藁 高元之著凡詩三千雜著五百

甲子文集五十卷 陳天瑞公輔之後師事金華王栢明

性理之學宋末隱遁林壑傲淵明詩著此集

天地間氣集 謝翱著翱宋忠義士也墓在嚴陵旁





別源集 數教元善表元奉化州人七歲能屬文成厚中  
進士高建年教授學博而才略以文章大家名重東南  
本堂集五十九卷 陳著撰著字子微德剛子別號本堂  
登文天祥榜進士咸淳中通判臨安後隱居四明奉川  
湖山作漫集 趙孟淵著孟淵浙人

天與閣藏書 續通志卷之五十五 卷之五十六  
甲子文粹卷之十 續通志卷之五十五 卷之五十六



